

兩浙輶軒續錄

兩浙輶軒續錄卷三十七目

沈祖懋 方壩 支清彥 錢振倫 童華

徐辰告 金善 陳其泰 奚景松 孫璿

朱聞 馮本懷 湯脩 陳一鶴 聞人紀

程恭壽 吳紹淦 吳春煊 陶慶章 佛隴武

張道 董醕 高錫恩 高楨 管庭芬

金鼎燮 崔德華 盛朝勳 徐炯 董景沛

褚元晉 鄭召棠 陳果 張百揆 吳敬義

范梁 姚近韓 戚貞 卜葆鈔 洪起濤

吳世涵 廷揆 蔣坦 許延毅 陸璫

吳炳 羅椿 朱榮恩 吳廷燮 蔣槐

楊知新 胡有槎 朱牧 鄭會南 俞承德

張上尊 王有鈞 周星蓮 馬晉蕃 沈亨惠

陸敦倫 王允嘉 郭鳳詔 洪瞻陛 盧派

王承弼 許燦 錢焯 鍾步崧 王傳蘭

宋杰 練天慶 吳乃伊

兩浙輶軒續錄卷三十七

督學使者潘衍桐訂

沈祖懋 字念農錢塘人道光戊戌進士官國子監司業

范梁傳 略念農未弱冠即博綜羣籍為文好深湛之思中道光乙未解元旋入翰林散館第一授編修視學山西

簡任 安徽學政時皖北被寇深乃慷慨出使赴徽甯暫駐欲舉試事輒中止己未受代遂謝病歸掌教敷文書院提倡後起士論翕然

岳鄂王廟觀宋高宗手敕墨蹟

朝寫盾琴銘暮寫車攻詩君有遠猷臣所知朝賜忠定書暮賜汾陽傳臣有赤心君所眷中興名將推鄂王忠肝義膽凌青蒼桃溪廳事偶題壁字字日月爭光芒深宮歷歷封函寄想見君臣魚水意太學初聞立石經中原未倡和金議手書空仿右軍妍安得長如賜敕年班師不下金牌詔臣固精忠主亦賢

納涼詞

破曉新涼水不如滿天漸見綺霞舒
殷勤收取花間露貯向冰甌勘異書

綠紗窗外卽方塘几案清延激灩光
要滌米家風字硯臨池先折嫩蓮房

曝書恰喜近平臺錦軸細編取次開
忽見硯山雲絮起晚應飛雨撲簾來

快雪閒繙晉帖臨毫端陡覺有涼侵
俗緣抖擻煩襟滌何必將瓜更鎮心

方

字既堂錢塘人道光戊戌進士官山東運河道

柳花

又見垂楊綠花飛曲澗前團雲都占路
吹暝欲黏天城郭溟

濛外樓臺杳靄邊莫嫌春色老萍已滿晴川

支清彥

字少鶴海鹽人道光戊戌進士官翰林院侍講學士

縣志清彥少有奇童之日聲華藉甚乙未舉于鄉戊戌

大考一等擢庶子旋遷侍講學士視學四川裁汰陋

規甄拔實學士林頌之任滿謝病寄寓陝西卒

蟬斷

鶴渚秋涼後漁磯夜靜時稻登黃穞稭波界碧參差取義原

同滬中央宛在坻問名詳陸子博物讓篙師憶得飛霜節閒

吟斫雪詩雙箝初試勇左手願先持月黑乘流上星寒帶甲

馳背真同浴鐵腹更肖塗脂豹畧何煩散答箸未許施綸投

空設餌竿繫枉垂絲有客攜蓑具閒情寄水湄緯蕭承幾桁

編竹界干枝波面安排穩湖唇布置宜斷篁勞徧插然葦慣

頻移疏密痕相閒縱橫影可窺半篙橫鞞鞞一道破琉璃雁

齒橋斜倚魚鱗浪忽歧中流逢砥柱數折限藩籬溪淺層層障繩低曲曲隨全湖成斷港遠水訝分支卻怪撈泥拙何嫌入穀遲輸芒占令節擁劍抱雄姿風味鱸鄉美霜華菊徑披回看沙磧外紅蓼數莖敲

錢振倫 字崙仙歸安人道光戊戌進士官國子監司業

縣志振倫性簡傲不諧於俗江蘇巡撫辭煥其督學四川所取士聞其至晉謁甚恭不答曰吾以愧世之慕勢者曾國藩督師經淮上枉車騎訪之杯酒言歡文正此行未曾擾人一飯也其為人所敬禮如此著樊南文集箋注示樸齋聯體文

晏彤甫廷尉 端書 丙子重游泮宮越歲丁丑曾孫 宗慈

又以十一齡入學賦此誌賀

靈光夙望古真州藻泮重經繼選樓持節久推風雅主歸田猶與簡編謀膠庠歷劫開新構山水鍾英憶舊游卻話秀才

風味好希文憂樂是同儔

神仙自古有曾孫用天與神童夙慧根就傅十齡懷彩筆傳

家五世入賢門羣聽雛鳳歸昌律快觀名駒滅沒痕勉共而

翁連袂上登瀛為譜得重論

童

華

字惟袞號薇研槐子鄞人道光戊戌進士官至禮部右侍郎著竹石居詩草四卷

舊縣同姚梅伯孝廉

變王意山孝廉

方照

雷碾一路震東平土壁巉巖斧劈成萬樹夕陽隨鳥下四山
沙霧挾人行荒郊漸闕新原野舊壘全消古甲兵不遠前村
項王墓暗鳴時有朔風聲

同四弟宿海淀次早自澄懷園至昆明湖

初陽影裏見樓臺金鑰朱扉次第開夾路分擎黃合子

至尊知已

御門回

門前楊柳蔭荷蒲下界紅塵一點無待為園林添勝事弟昆
聯袂直蓬壺

信陽道中

雲林畫稿擅坡陀疊嶂層巒到眼多客路漸隨衡浦雁人家
分飼蔡州鵝連村種竹篁成韻淺水淘沙錦作波楚尾吳頭
風景似晚秋天氣尚暄和

武信關

古聚斜陽蘊戍樓萬峯深鎖一關秋崧高餘脈將東轉吳楚
名山盡下游累石要爭魚腹浦丸泥曾鎮犬牙州夜涼孤館
鐙花落還見雲煙壁上浮

登黃鶴樓

江潮竟沒鸚鵡洲水勢欲撼黃鶴樓英雄才子已陳迹千載
誰共仙人游茲樓自古擅名勝廢興兼爲形家謀崇基巖泉
隱城堞凍雲一片飛葦浮橋檻洞啟曠無障八風盤轉聲颼
颼旁瞰俯矚心目快帆檣厯厯沙邊鷗瞥見災黎栖大別三
十萬人如窮鳩田廬飄蕩不得歸枕倚牆壁居何稠我思江
湖稱巨浸沅湘漢沔皆兼收江水闊深不可測滔滔赴海東
南流自聞巴楚地爭闢洪濤萬頃成新疇疆吏各增農戶籍
居民盡奪魚龍湫大雨時行盛漲合怒浪四溢如奔牛瞿塘
灩澦千丈落粗沙大石皆紛投下游更復成洲渚月明到處
蘆花秋雲夢欲合洞庭隘要施疏滌功無由增隄再用丈尺
計振發乃以升斗籌良法美意救時用小民大吏分勞憂遊
人徙倚意何極水痕指點林梢頭年來本減詩酒興樓前重

為煙波愁

紅花埠

江蘇山東交界

淮浦浮青雀齊煙點翠螺南邦紛藻采東國盛絃歌沃壤連

畦接輕車載夢過舊栽桃李徧花事近如何

時近春闈揭曉之期

孫河

冰橋低處渡孫河殘雪全消氣漸和最好千林無一葉平沙

愈覺夕陽多

徐辰告

字襟田號小漁山陰人道光戊戌進士官甘肅蘭州道

歸去吟

回首鄉關十六年松楸遙望淚潛然干戈已老天心酷骨月
難忘客夢懸入世一官原幻相催人雙鬢忽華顛如何老去
櫻名利塞上霜痕馬上鞭

寶山幾度笑空回無限鄉愁夕照催
獨抱素琴彈古調
專養薦贖愧凡材盼雲有路飛偏倦
勒馬懸崖力已頽不羨巖廊羨
泉石鑑湖從此許徘徊

悶坐書懷

一官如寄歎途窮折盡腰支態未工
豈有才華招謗讟從來禮數困
英雄鍛翎已似籠中鳥焦尾何殊爨
底桐自笑風塵原未慣只應老作蠹
書蟲

四十

四十光陰去若馳龍鍾非復少年時
東坡詩龍鍾三十九津梁到處疲
輪鐵毛髮於今感鬢絲長抱離愁拋
故里自悲塵面抵京師八年一剝黃
梁夢鄧禹相看笑不支

霄舉泥蟠亦偶然吾儒動定信由天
蓬頭黃霸兒還幼椎髻

梁鴻婦尚賢清白家風司馬壁丹黃手澤汗牛編先君子遺書頗夥

遙瞻宰木增淒切丙舍無緣守墓田

浪險如山我欲愁鬢風初定又開舟謀生不辨兔三窟鑄錯

兼須鐵六州小草出山難作兩蟄蟲感候復鳴秋升沈此後

應前定莫向君平仔細求李竹生進士邀赴東華門探著不果

謁選都門願竟違素衣塵染化緇衣寒鵬目盼霄雲起駑馬

情耽塞草肥空有前銜稱故吏尚存傲骨忍長飢銜泥重作

雕梁燕嬾傍烏衣邸第飛

五十

記同正則降寅年丙寅年生忽歎頭顱雪滿顛眼底光陰成暮景

夢中骨肉隔雲天鄉心濃似歸山鳥官沉艱於上水船為問

故園三徑菊也應離恨發花前

蕭蕭落木古長城

詎山丹五里卽長城

驀地風沙撲面驚也算出山爲

小草何曾霖雨及蒼生漢江泥爪懷良友

任河陽與鄰邑陳餘山丈交最篤

隴坂輿情感細岷

定民猶有念余者

差喜焉支

舊爲匈奴地今隸山丹

新管領

美人顏色捲簾迎

金

善

字訪叔錢塘人道光己亥舉人官內閣中書

過汪小米

遠孫

三層樓眺雪用東坡禁體韻

青山醉倒如病葉一夜蒙頭冒寒雪曉來作陣勢未休風激

成團吹不絕老松偃僵頂亦頽枯竹離披腰頓折屐聲巷陌

尙無人樵徑山坳定全滅凍拳鷺足寒不伸飢笑鷹鞴倦難

掣徑須鑪暖化腸冰直待杯傾回面纈農家占驗色歡喜行

旅羈愁意騷屑眼看風景歲偏除肯使流光去如瞥關門不

聽俗客來執卷聊尋古人說一篇賦對梅花成莫道廣平心

似鐵

陳其泰

字琴齋海鹽人道光己亥舉人官雲和訓導著春熙書屋詩鈔

幕府值海疆用兵與參謀議頗倚重之

秋笳

莽莽寒雲萬里愁橫吹蘆雪壓瓊裘風驅鐵騎邊聲遠月照榆關鄉夢秋猿臂少年爭負羽燕頷飛將快封侯獨憐雁塞霜華白馬上琵琶雙淚流

流鶯詞

花影逗窗紗階前日欲斜一聲嗁未已飛上碧桃花日暮情何限流鶯自喚春不知高閣上多少捲簾人

奚景松

字良材號肖巖平湖人道光己亥舉人

縣志景松家居授徒以敦品立行樹勛性純厚手足之閒友愛倍至戚族之貧困者分館穀給之生平專心治

經晚年主講當湖
書院多所成就

卽事

一年好雨溪田足二月春風巖岫清
詩句須探唐宋律吟情聊付短長檠
丹鉛無事披羣籍白髮多情又數莖
門外泉流清見底儘教曳杖樂閒行

孫

璿字健生號補華烏程人
道光己亥舉人

馬嵬懷古

帳暖芙蓉夢未圓深情枉自合金鈿
蛾眉月缺埋荒草鴛鴦香寒黯暮煙
竟使捐軀安社稷苦難畫策庇嬋娟
秋風蕭瑟長生殿何必當年締後緣

朱

聞字又垞歸安人道光己亥舉人
官建德教諭

臨平道中賦得紅葉

一灣流水落江楓
仿佛花開二月紅
十里斜陽城郭外
清林秋色畫圖中
美人生世衰猶豔
名士文章老更工
最好西泠放船去
青山無際送孤篷

馮本懷

字慎旃號酉卿慈谿人道光己亥舉人官內閣中書著抱珠山房詩存

次王雪軒明府

有齡秋興韻

高秋爽籟倍澄清
助我幽懷砌蛩鳴
不爲井梧悲蚤隕
獨憐籬菊漸敷榮
時平敢戀林泉樂
交淡惟尋詩酒盟
羸得夜長無箇事
小窗鐙火讀書聲

湯脩

號敏齋金釗次子蕭山人道光己亥舉人官至太常寺卿

題菊軒弟雪堂晚籬圖

回憶聯牀隔歲年
清癯丰貌尙依然
劇憐憔悴寒塘路
況值蕭條暮雪天
龜勉公門能積德
勤修臣職庶無愆
爲貧仕亦

須廉潔清白家風待汝傳

陳一鶴

字竹泉臨海人道光己亥舉人官工部員外郎著竹泉叢稿

雙硯齋筆記先生天懷散朗筆墨超逸好作蘭石小幀故多題畫之作

題白畫蘭石

花惟屈子紉兄有米顛拜我躬有微尙人生重幽介

聞人紀

字雲嵐金華人道光己亥舉人官杭州府訓導著求儉齋詩鈔

胡鳳丹曰先生家貧嗜學設教婺郡師道謹嚴多所造就

雪中懷人

積陰漠漠易黃昏亂捲平蕪風有痕幾點寒鴉拳古木一肩
行李下孤村征途濁酒渾無力獨夜重衾擁不温屈指故園
何日到貂裘垂敝最銷魂

亢旱偶述

南地車馬續金卷二十一
火繖卓炎雲泉源涸深水農夫委焦土苗稿心亦死呼籲百
不靈降災良有以方其年穀登風俗趣奢靡不思物力艱暴
殄恣狼戾上天屢垂象庶幾警泰侈惟庸罔念聞憑生方自
恃彼蒼赫斯怒旱魃袒而起亢陽五十日赤地一千里昔日
富兒驕今日貧兒喜勿謂周于利攘奪從此始勿謂速我獄
政刑不能止我無十雙田時作憂天杞饑饉如薦臻琴書那
能理亦有預防謀誰憇置于耳願惟天以仁物極豈終否轉
移在人心禍兮福所倚戚戚亦何爲他日請念此

感懷寄曹秋湄

干戈徧地復何之攬鏡驚添兩鬢絲北望雲霓方待澤南飛
烏鵲已無枝奚堪天寶流離日卻憶開元全盛時待旦中宵
頻起舞著鞭還與祖生期

旅燕次程子春韻

年年深巷此雙棲
隻影俄驚弱翅低
對語有誰音上下
孤飛遑恤徑淒迷
覆巢無計求完卵
危幕何心更啄泥
歸去不嫌秋社晚
只愁荆棘滿山蹊

程恭壽

字容伯錢塘人道光己亥順天舉人官光祿寺少卿

杭郡詩三輯容伯以乙酉拔萃試高等供職西曹僅直樞廷游躋卿貳未幾緣事落職寓都門者幾三十餘載性喜結納善清談書法在北海南宮之閒都中盛稱之繼配焦夫人亦以繪事名

東軒吟社圖為汪子用

曾題

江鄉烽火幸銷沈
夢斷京華老病侵
歷劫湖山容似舊
故家文獻杳難尋
淒涼四壁名園勝
慘澹千篇往哲心
賸有吟朋圖畫在多君
攜向五雲深

五十年來出處乖
半吾前輩半同儕
簪毫早悟聯吟約
展卷

兩浙輶軒續錄

卷三十七

程恭壽吳紹淦吳春煥

九

八八

偏榮久客懷苦憶三山成夢想劇憐二老隔天涯

張仲甫吳仲雲兩先

生今在而今日喜因緣在坐對羣公眼重揩

吳紹淦字繼宇號新洲錢塘人道光己亥副貢官石門教諭

家藏謝文節公號鐘琴家大人命作

蹈海吞聲哭孤臣欲斷腸滄桑遭變幻桐梓寫蒼涼棄置曾

興國漂流又建陽即今絃響處猶似怨平章

豈獨依齋硯公橋亭卜肆號鐘今尙存持將兩神物相繫一

忠魂槁木心先死殘徽淚有痕鷗波亭上曲媿殺趙王孫

吳春煊字東生錢塘人道光己亥副貢官四川南溪知縣

養自然齋詩話東生作令蜀中年六十餘丰采俊爽曾以蕩蘭堂劫餘草見示集中如三世宦遊多入蜀十年離亂已無家雄心見微猶知喜倦眼看書每易忘

壓簾曉霧疑成雨繞樹春雲欲化煙皆警句也

雨中過葉灘

城郭瀕江口停橈日未曛灘聲渾似雨水氣忽成雲暝色雙
峰合洪流一道分篙師何太苦蓑笠溼紛紛

天全州權篆

八百蠻荒地西南第一州人稀猶有市城圯半無樓移粟豐
仍儉依山夏亦秋流亡多未復何以慰民憂

陶慶章

字定軒際會子會稽人道光己亥副貢
官福建鹿港同知著瞻衡堂詩文贖

家傳略公幼喜讀史漢善文章山教習出宰閩中擢同
知皆強幹能任劇多聲績今猶尸祝憂歸會郡城陷公
率族里丁壯力拒受傷赴水遇救得免曾文正檄調赴
營至滬創發遠卒江撫沈文肅疏請
卹典下浙江巡撫以軍書芳午事遂寢事蹟詳沈
文肅奏及宗滌樓觀察書事書法入逸品

壬戌元旦山中裏創勉起有作

矢石餘生此避秦王正難得又逢新山河雖在全非昔草木
何知不作春敢惜毀家權濟難余薄宦十年置產半頃
今以歲荒盡售振飢尚思

報

國特留身心香莫釋南豐叟差喜先鞭著有人安軒舍弟亦赴調已由江

營右至矣

佛隴武

字純齋杭州駐防滿洲正白旗人官協領

城西古蹟考純齋好藏書官廣平參將調喜峯口徵巡塞外所歷瀚海火破山和闐西藏星宿海雪山諸蒙古部落并新疆回國周行幾徧閱五載引年歸篋中所有圖書奇石而已著有瀚海雪山遊記八卷惜散佚無存

塞下曲

雪色鬪銀甲風聲勁角弓將軍方校獵夜火滿山紅

張道

原名炳杰字伯幾號少南錢塘諸生著漁浦草堂詩集

秦細業序略少南博學工詩以名諸生久不遇遭亂抑鬱以死其詩自言專學東坡然雄奇瑰麗平澹天真無所不有君於入代三唐之源流正變胥能融會貫通非墨守一家言者而其得力則在眉山氏與君研窮經史尤熟悉虎林掌故都有纂述又為駢體古文以及詞曲書畫嘗語其子曰余前後讀書二萬三千餘卷而

自著書亦得六十餘卷可謂富矣

薛時雨序畧張君少南詩繁而不縹簡而不竭學

使吳和甫先生謂君詩與甬江陳餘山為雙絕

譚廷獻曰先生卒年四十二遺書存者有舊唐書疑義

勤同六卷唐浙中長官攷一卷臨安旬制記三卷定鄉

小識八卷字典補遺一卷雪煩叢識二卷鷗巢間筆三

卷雪煩廬記異二卷全浙詩話刊誤一卷蘇亭詩話四

卷鷗巢詩話二卷南翁文集三卷詩集四卷彭

香詞一卷雪煩詞一卷餘散佚者尙十餘種

俞光組曰少南居定南鄉潛心著述泰興吳和

甫學使選定其詩湘鄉楊石泉中丞刊行之

寒食道中憶諸亡友

眼中一掬親朋淚彈入春風宿草多綠髮年催書客老

黃壚春斷酒人過周麓雲鄰家笛怨生官柳山郭詩魂帶女

蘿杜宇莫嗁寒食雨紙灰如雪奈渠何

題端木叔總詩後

青田莽莽高雲秋中有鶴氣清且適石門瀑流潑天大山空

地冷真龍臥君取元精總入詩蕭森澹蕩蟠孤姿太古明月
混元雪姑射天身自然潔我詩岫強風沙麤摩盪清景知能
無對此徘徊媿邢尹口噤其妙心已領會當努力禿萬豪與
君並世追風騷書成藏汝洞天府鶴唳龍心夜能語

感懷

貧女居邱中蓬蒿翁不殖盛年既失時潦倒甘世棄嫗嫗善
脣舌勸駕亦數四南郭大道王髯髯好夫婿滇蜀貨金支日
南貧生翠吳越載綺羅揚州輦銅器且暮致青雲託身眾殊
異何爲伏貧賤瑟居而沈滯貧女聞且悲刺骨感高義屢屢
且媵秦禦寇將嫁衛豈懷漆室志而不求嬰儷端居念高堂
衰朽懼埴躓一日去帷闥顛倒思不置庚鵝復寒鶴頗亦期
養志歸妹亦天常疇爲錫爾類持此願終老榮富非所計斂

穢謝高情潸然不知涕

虎蠹行

有虎有虎在官倉魚然四出趣納糧官昇虎權虎入鄉縱虎
吞嚼豬犬雞牛羊解一鄉有災虎否否加糧減糧視虎之手攫

汝肉鉗汝口解二鄉豈無田鄉乃無年餓死弗救那復得一錢

糧期急迫如火煎執券貸錢十走九不獲前趣賣先人邨南

之薄田解三糧有期限以日糧後期虎變色官垂頭虎弄筆坐

以書生抗官律白日黯黯天地黑解四兒病兒病弗得一顧兩

雪奔走僵凍顛仆宛轉說虎虎哮而怒吁嗟乎虎蠹解五官亦

不坐倉官亦不視糧但見虎也號召豺與狼擊毛鋸牙聲狺

狂解六納糧弗如限浮額乃汝算豈復顧九幽鐵鞭鬼臂爛鬼

弗殺虎虎橫行世人那得全其生解七有田而無年誠不如其

無田有官而虎權誠不如其無官誰與告哀蒼蒼之帝天解

讀諸子

王迹既衰熄煒然霸業興矯矯管夷吾九合施其聲富強有
成就著書以自明論治得其綱至理同垂經縱與三代遠頗
爲後世型時苟識遺意尙足致太平所以相蜀人比量良非
輕

大道根無爲斯理先太極守退以爲進中具含忍力意期返
澗閻闐然去緣飾便與治清淨猶作文景則哀哉衍彌流元
虛爲國賊

蒙叟本天人寓言十八九文章妙無迹中乃羅萬有離奇出
變化神龍而無首當其誕幻處目眩漫何取空潭對明月欲
語意還否郭生彼胡爲蚩蚩求牝牡

聖人久不作孟荀蔚儒宗人性善惡閒醇疵判其中一語差
毫釐乃召後學攻醜彼丞相斯燔阮玷師風比獄誅根芽首
惡歸微躬師賢弟不肖始終詎得同惡子而刑父持論殊非
公荀義不入秦斯乃事祖龍

吾聞養元氣太和爲之根時況征戰亟風俗久不馴何挾孤
憤私倡此刻覈言五蠹及儒者語激多深文小亦兆嫚罵大
則資阮焚彼意豈不快終以殺其身

淮南好賓客臬鸞雜門廡眾手撰篇章頗似秦賈呂繆託神
仙書號召紛黨羽及其鳥獸散朝王而暮虜神姦謀不軌萌
芽始妖蠱飾言以盜名無乃欺世祖

端木叔總自越州寄太鶴洞天石第二圖屬題兼惠南

田青芝

太鶴老仙石門客著書不計鬢毛白吳興易堂夜注易刻畫
爻卦指闔闢精神上感南斗謫墮地熊熊火光赤須臾變幻
洞天石神剗鬼劃斧無迹家山拳縮入几席珍重豈易海嶽
宅遂使鋪紙圖真形橫皴大道雲根青壽以老墨媵以名傳
諸海內流其聲老仙化鶴洞天去但留鶴雛抱石住此物不
飛造物護噴嵐噏煙只如故要使結交共歲暮守汝寄巢兩
風處偶攜石影來西湖爲乞開士重臨摹禪心畫眼誰能如
分明骨相同仙雛捲之入袖東海俱苒蓀不數壺中圖我亦
好作山石畫頑醜麤疏世嘲罵君乃癖嗜繆獎借令我愧汗
口驚訝何如此石寶無價更圖萬本貌姪姪對之神王指物
化洗滌墨髓補天罅今君誅茅親犁肩胸蟠石氣神光竒下
山贈我南田芝青盤尙帶春雲姿何以報此長相思但索枯

賜題新詩他年草堂儻辦資結鄰拜石巢煙枝吐納星氣瘳
我飢不愁鶴骨臞難支息壤在彼非謾辭石乎石乎千秋期

初秋曉入龍井

露華收不起山氣襲衣涼背日松杉韻含風草蕨香溪田抽
早稻路螻覓秋糧嶺曲逢樵女疏花滿髻旁

越城晚發

山城斂夕暉挂屐共春歸橋暈圓吞槳篙聲猛入磯迎人高
樹黑窺水遠星肥吟得詩成畫貧游未悔非

題思忠懷舊冊

城中董叟素與馮小亭學使厚藏有尺牘墨蹟去冬
寇陷武昌學使殉節叟乃哀集成冊以寄思忠懷舊
之感徵詩於人余友周蘭友屬題

滿眼紅巾急暮圍刀光如練雪花肥倉皇一死傳鄉國哭殺

尊前老布衣十二月朔四日武昌城陷天大雪

抱石淒淒井谷寒遙憐巷嫗贈桐棺痛渠一紙魚緘在老眼

攜鐙幾度看學使投井中死猝不得棺鄰姥聞僕哭詢之乃指其壽木以贈斂

武昌城郭亂煙塵花冢孤臣涕淚新今日楚山千里月白頭

偏照董山人僕掩其棺於花樹下發以璧仍種花其上

當年翰墨為收藏碧血淋漓字字香不忍開封重拂拭臨風

懷舊轉悲涼

詩酒論交感暮年熱腸巨眼羨登仙千秋獨下傳人淚夜雨

忠魂返杜鵑

寫得停雲入畫圖幾回看到白髭鬚知君有意雙旌返絮酒

風前一杖扶

別叔總

春風吹綠越峴煙中有鶴爪留其顛共尋游賞十七日能洗
別愁三數年流水青琴思歸引名都白馬從軍篇與君出處
兩難主安得並耕盤谷田

叔總將從軍廬州

粵西饒歌

并序

粵西小醜稽

天誅者三年矣聞今將平定

天子聖武明威之所及寰宇之福也乃述士卒勞苦歡樂之

意擬撰饒歌四章雅音采諸樂府豪響殊於敕勒他

日振旅還歸據鞏高唱庶幾入關之凱歌有韻之露

布云爾

梧關怨

梧關啟粵兵起閃閃妖星明枉矢蠟髮猺狗負谿子烽火軍
符急千里大隊屠城廂散股蹂村鄉珠玉米帛充賊糧牽縛
婦女豬牛羊吁嗟乎粵殃

徵戍兵

羽書檄兵湖南戍城赫赫元戎潯攻柳征與賊相持莫能平
賊不平誘賊戰霹靂拋車雨注箭殺氣重圍日光變賊蹙乞
降頸縛練捷書飛奏

長楊殿

粵西定

粵西定天下慶虎箐蛇巢洗甲淨稟姚將軍霍去病前營吳
鄧後燧戢振凱歸來笳鼓競君不見壯士去負戈蠻煙瘴雨
豺狼多戰苦血冰深雍鞞月明望鄉涕滂沱今日歡樂當如

何何不一聽馬上饒吹歌

樂太平

饒吹獻俘京闕來

天子御門雉扇開犒勞積金繒飲至傾壺巵歡呼軍士聲如
雷誅渠魁餘怨死

聖德如天錫繁祉太平之樂可知矣樂太平祝

堯觴埽除兵氣日月光伏願

皇帝陛下蕩蕩齊

軒皇修德偃伯

天命長九九八十一萬未渠央

徐鐵孫太守殉節漁亭感賦五首

華髮經年滯戍樓除書新寵七閩游

近除汀州觀察

清時良吏二千

石海內詩人第一流文字有緣惟鐵體湖山入夢尙杭州誰
知此別真千古碧血難從戰壘收

判擲頭顱辦此行從龍家世本忠貞出師誰料爲孤注由竇
渠能賺客兵翻痛馬心知李寶不圖龜語驗公明劫灰要識
洪荒定搔首高天玉弩橫

如此煙塵那問家憂時老淚落天涯龍愁戰苦雲圍幕鴉泣
春深血染沙白髮忠魂悽宿莽青山歸計斷梅花部中放鴿
遺民在定有臨江擁弔髻

羊腸險失陷戈鋌散僕分金豈偶然豹骨果能收部曲燕樓
還得殉嬋娟姻人伍蘇卿誓安雙魄南屏好但說孤忠

北闕憐不識真卿更何堪

懸綸早晚下

堯天

豪唱悲歌杜老詩無端沆瀣許心期十年知己容張廌一識
逢人說項斯浩氣終然歸太素奇才可惜在艱時寒茅多少
途窮淚不解浪浪鎮日垂

聞永康陷

萬樹桃花散血紅不隨仙去污春風中原豺虎皆公等試問

何人玉帳中

桃花嶺之軍淫掠如賊百姓憤與軍鬪賊乘之城遂陷

董

醇字蘊人一著東阜堂詩集候選教諭著東阜堂詩集

浙江忠義錄過其門讀書聲不輟明日造廬訪之強
邀至家與諸孫共讀為子產論陳雲柯中丞見之目為
神童逮游庠食餼以制藝名一時詩古文具有法度寇
犯浙上書當事請列營城外防偷越分堵要隘以遏賊
未見用徙居慈谿尋歸辛酉城再陷罵賊被斫鄰人救
之裏創達西興入龍王堂歎曰此乾淨土吾終此乎絕
粒死所著有歷代甲子紀元表已刊行東阜堂詩文集

補讀叢鈔殘稿未梓又嘗手輯南宋十先生文評選成帙

胡敬曰姚古芬後能繼起者惟董醇庶幾其人

鍾駿聲曰蘊人文章爾雅擁皋比者數十年弟子多得氣去而蘊人久因場屋讀其集有戊子報罷詩四律如

云艱難又醒三年夢冷暖平分一夜風尚違世用嫌生早願祝親年惜遇遲大海路遙空見佛神山風阻不登

賦者又幾三十年亦可慨已

哭外舅周南卿先生

平生重風義茹哀不能詩鉛槧稟夙夙教述哀禮亦宜此意懷
 三年既作還輟之得毋類矯飾不則多矜持其實頗不然情
 擊無文辭語少未能罄語多尙或遺曩時率下筆削稿待芟
 夷今還向誰質出手應遲遲申媻憶亥歲甥館相因依嗜好
 在文字殷勤加切劘尋常屢謁見習焉若不知十事問八九
 蓄為再問資詎意不可再此日猶懷疑翁家距余舍雙橋如

帶圍心親路逾熟出卽往叩扉一室千萬卷寢饋感於斯品

鑑古圖畫儲藏及尊彝玉山與天籟遺風乃見茲如何怛以

化寂寞空帷披過橋一回首憮然悽肝脾聚散數有定脩短

理亦齊業成卽未老不死將何爲我昔聞此言不禁心骨悲

先生嘗論王子安高季迪暨國朝黃仲則輩均不永年而業自可傳翁殆自寫照語識略可

窺是今是古人那許餘子追張明府屠太守後先喪斯道良

已衰論文地下樂靈爽其往來所惜盈尺書篋衍徒沈埋薦

可膺宰相襄平相國每以國士遇先生官祇終秀才精神擲虛牝不朽願

或諧生前受知人不信生後偕相國亦於是年薨何人購遺稿謀伐

梨棗材前年舉亭路釀錢爲藏骸崇桃滿岡阜競刊詩人碑

因之撫卷歎豈無傳翁時區區愛慕志匪獨吾儔私

望晴用十四旱全韻

往年得雪艱禱祠達誠款客冬得雪早歡聲動里鄩未雪雨
已繁農隙不爲癘雪止雨復作人事乃多瘡一九定一雪接
期不少緩對景積詩債消寒費酒盈天公好遊戲層霄舞旌
罕將無珠玉輕故遣塵埃澣世事闕陷多或者填使滿前雪
未盡消後雪看載纘恍同土委山又若人得伴物少本爲瑞
習見何足算連絲冬春交荏苒節序短勞生幾兩屐庇人萬
柄繳微露零似珠輕絲密疑慕急溜馳比箭空階滴成鑽略
放日光嫩毋乃羲馭嬾已喚雪龍醒誰料雨師悍太息十日
寒祈期一日曠煙沈地易黔溼處戶同蠶下泄病入脾上鬱
冷侵腕忽然南薰至力子衣欲袒遠樹聲變鶯長空色見卵
久雨應久晴論時亦宜暖喜色見萬象翹首失憂懣胡爲復
傾盆有如大導窳頽敗及牆壁滿盈沒町疇江南昔苦潦民

生亦已意衣無蔽體禪食不充麥飯蜚鴻免哀罄樂土適夷
坦賴我大府仁招集洵衍衍如久遊獲歸如孤旅得館生還
飢不害盛德堪記纂卽今淫雨殃祈求切薰盥祭祀豐粢盛
品物慎雕簋愛民固極慈事神亦用亶宜其邀福祿無慚錫
圭瓚雖茲膏澤濫尙不憂禾稗稠繆事室廬朝夕得飯餼反
笑農夫愚新晴已防旱雪甚其旱乾諺語恐媒但方今

天子聖陰陽調玉琯百司盡廉法庶僚求直侃堯天祝可聞
杞人憂太誕屈指寒食過猶吹賣餠管檢點白雲篇小窗任
閒散梅落桃又紅烏嘯聽不斷

周澹巖丈

秦

邗江春泛圖

澹巖爲外舅南
鄉先生族弟

春風吹滿燕城路七省通衢津要據十里珠簾廿四橋多少
詞人此閒聚人生託迹非偶然雪泥鴻爪皆前緣早將冷眼

熱腸注別有深心毫素傳邗上雲萍流水杳妙繪徵題非草

草指點雷塘路一條無端舊事縈懷抱囊平勳業韓范儕婦

翁薦士噓草萊天上無緣寶書讀病中惜未扁舟借道光戊子春南

翁言於蔣礪堂節相議掌文彈指流光卅年逝不道干戈

驚滿地愁聽三城猝被兵誰教十日重編記沙蟲猿鶴慘歎

歎城郭人民料已非只待懸圖歸想像一覺繁華夢醒時題

君圖遇君友大梅越山常聚首一帆滬瀆何所求我嬾出門

且臥游出此圖時適晤鎮海姚梅伯將之上海故及之

題魏滋伯謙升攘臂吟

杜門索句一編守君也攘臂我搔首踟壁堅臥一室寬君也

攘臂我閉口厭聞時事高人高聊復工吟酒人酒西冷七子

此嗣音鄭虔三絕兼而有一筆一墨見性靈三十年來飲香

久湖山嘯傲壇坵崇今人豈遜古人厚風雲警教珠玉揮小

巫羞見大巫走

拙稿荷題
五古一首

請君奮臂題萬篇搏虎如兔作獅

吼

朱子祠臥柏行

高柯不合低橫水一臥湖濬伏難起何人植此講舍旁恰傍
門牆侍朱子朱子瑋傑與柏同當年提舉官浙東顛者扶之
仆者豎清風亮節垂無窮建祠崇祀遺愛述有柏胡然體若
屈翠葉扶疏憶鳳巢霜皮剝蝕疑蟲齧莓苔積久膚外皴霹
靂破空腹中裂可曾低首服孔檜詎至喪心若林栗吁嗟乎
我公立朝未百日材大難用遭屯蹶出山無意任偃仰參天
有志空盤鬱堂前堂下距尋丈古貌貞姿屹相向柏兮柏兮
爾何不學龍門百尺之孤桐又何不學岱頂五鬣之高松胡

爲寂寂守祠曲翠葉踢地枝蒙茸欽遲乃自甘夔屈拳曲豈
爲傷龍鍾可知偃僂木孔訓九淵何事談虛空柏也有知應
受教老幹彌固形彌恭孔明廟柏二千尺移與公祠作臥龍

文丞相琴歌

獨松關破哀絃絕彈出孤臣一腔血厓山風雨夜瀟瀟仿佛
天驚石欲裂趙家運去誰能回君心猶恐臣心灰蒙恩遣問
詣行在夜宿古寺琴曾陪夜深人靜合詩思詩寫琴心琴面
識流落人間五百秋認得淋漓舊時字一字一淚精誠通歌
多正氣將毋同更有壘山舊琴在一時同調推號鍾吁嗟乎
玉帶生傳朱十句此時此琴託何處昔歸丞相今文宗異代
知音誌奇遇願琴勿作變徵聲賡佇聽諧韶韻願琴勿訴
不平事陶淑儒林布文治一曲承平雅頌宣移情海上遇成

連能消臘水殘山恨坐對春風化雨天

瞿補梅

中培

滄浪濯足圖

先生少踞京華塵中年高作諸侯賓聞聲倒屣競迎致與君
把臂越水濱履綦一散昨復合畫圖瞥見須眉真平生高格
我所佩立腳不屑泥塗淪滄浪風月本無價奚必驚墜流鄰
鄰解衣盤礴赤雙足征塵一洗樂孔云西湖縱好莫與易科
頭樹底涼颼皴如斯快意翹足待抗懷可傲羲皇民我亦打
包倦行腳來訪青鞵布韞人

越郡署齋作

出門翻作閉門居偶爾開關市閱書經到中年成誦少詩無
和客獨吟疏山光繞榻人如畫蟲語侵階草不鋤愛聽平安
傳一紙翦江風送悵徐徐

登臥龍山作

家居豔談越王臺高閣想像登蓬萊及至登樓望故土帶水中
分隔煙樹到此蒼茫百感生轉戀家山增媚嬾人情欣厭
無常期身所未厯心輒馳功名富貴人所羨料其旣得亦厭
之龍山得名千載久山靈與我緣本厚出近衙齋人迹稀靈
苗徧地無人知自生自枯置無用我與草木同其悲傭書異
地非長策青山笑人白日匿來朝會當挂帆去祇恐故園難
久住

高雋生

偉曾

雲深采藥圖

閉門注山經倚石鈔朮序不如入畫中聆君松下語
君豈山居者白雲空自橫儲材勤采擷遠志出山成

題童二樹畫梅爲鐵孫太守賦

畫梅誰識天地心越花珍重煩搜尋後來童君擅能事每成

一幅繫一吟我今五載客君里屬本見多神去矣劉雪湖沈

小篋遺蹟曾漫題突兀軒楹忽覩此太守墨梅劇老蒼同真

各貌區微茫偶然寄興和長句隱若敵國雄軍張請公放筆

為長卷勁氣精心闕生面握拳透爪鐵石腸直以清剛壓妍

變須知畫理通詩情雙絕露爽殊英英此詩此畫況合璧各

有精詣堪孤行藝苑傳人亦有數為政風流領其趣西溪夢

香孤山遙許傍寒香齋閣住

高錫恩字古民鳳輝子仁和貢生

府志錫恩家世素封其先好為施子事幼即劬學長益

肆力經史於正史尤熟成誦如翻水為胡敬張雲啟所

推許講求河漕水利輿地之學究極本末議論輒舉性

好詩歌入書肆輒相載古今人詩集歸坐一室丹黃點

與郭磨屠倬時有倡和積詩八千餘首

薛時雨撰墓志君宋武烈王瓊後也襲清白之芬秉醇粹之性深默而寡於嗜練深以淬其學少工韻語祭酒吳穀人先生一見器之屢試不遇意豁如也同時勝流如鄂雪舫郭頌仰屠琴鳴諸君相與馳驅煙墨揚推篇翰所著友石齋集有握珠抱玉之奇無

是丹非素之陋每變益上識者稱焉譚獻撰行狀先生家世素封父通奉公嘗購隙地數百畝翫置存仁場壑所以是負鄉里望幼學博習于古世事溫溫無所試每衣冠盛集座客論議舉先生默不一送難暇乃為子弟析其是非沈潛如此所作詩富至數千篇以媿雅為用而植體忠孝獨操正聲抗州再被寇先生避地海上不及難遠識尤不可及云緝雅堂詩話杭州士夫多嚮義行善以惠里黨仁和氏尤為表著讀友石齋詩清思雅韻秋興諸篇沈鬱如澆花具見襟抱隱而不見蓋潛德君子也仲瀛白叔諸君聯翩交圖蔚有時譽其遺澤長矣

中秋作

前年看月在會稽若耶溪水明
 玻璃去年看月在黃浦半夜
 簫聲答柔艣今年看月來甬東
 江水浩浩流無窮三年三地
 各異境清光一樣騰寒空清光
 雖皎皎兵氣猶未了故鄉尙

有虎蛇屯明月在天亦應惱夜已深露盈襟且將好景銷愁
思起折幽蘭自鼓琴

坐雨和胡琅圃

已見蝸從壁上登溼雲在樹聚爲朋雌雷殷柱時時響積水
成池日日增奇境忽開思漢沔長風高駕想樊滕時聞提臺
出海捕盜
淫霖只恐妨蠶麥不僅宵來屋漏憎

贈姚韜庵比部

兵火鄉園劇可悲兩峰入望已迷離忠懷
北闕常縈戀講席西泠舊主持蘇武堅貞窮後著少陵辛苦
賊中馳相逢喜在申江畔還話紅亭昔會時

題姚梅伯復莊詩問

長劔橫空赤蛟舞大戟如龍箭飛羽奇花美女更互映神佛

鬼怪聚同語此才橫絕冠古今天風琅琅鸞鳳音謫仙不來
昌谷死摹寫乾坤筆惟此

賓梅招集湖樓待雪

山意悄然斂艣聲咽不聞橫空無過鳥壓水有同雲枯樹瘦
難畫寒煙互莫分飛翼應卽至把琰肯解醺

得魏滋伯書卻寄

亂後傳來片紙書交親消息渺愁予倉皇出走思前度患難
同經歎索居天地有時開殺伐江湖只合戀樵漁盈盈一水
如衣帶悵望悲吟日暮餘

立秋前一日

好風兼好雨涼氣颯然來病骨迎秋健愁顏對酒開干戈何
日止節序逐時催老矣居難定瞻空首重回

茶庵言在臨江見龍挂因憶王生談海中見龍事漫賦
黑雲低壓天蒼莽江水陡立雲之上乖龍遊戲露鱗甲江風
颯颯波震盪龍身一半埋雲端頭角杳渺無從觀龍尾下垂
徑數尺射人已覺心膽寒我因茶夢言茶庵自稱
茶夢生遂思王生
語海中一葉曾容與龍宮有龍龍忽舞萬片金光向舟吐眾
目盡盲不敢覩風雷齊起無避所耳畔有如萬面鼓百神卻
走萬靈俯龍兮龍兮孰敢侮至今魂夢猶恐恒吁嗟王生氣
未豪近龍何不將龍招參龍御龍古有術騎龍直可登紫霄
年來海內多艱晚四野元黃苦流血龍尾應須學管甯涉世
知君最明哲

五月七日集天長寺用唐顧況端午日韻

蘭湯乍浴過重午想見明湖環翠隴卻嫌士女尙喧闐不詣

湖濱詣禪戶古松陰裏開朱扉壞雲樹頂如衲衣轉憶前年
 值初夏與僧茗話看紅薇許公魂魄何所歸宋許正于宋亡後隱此 尙
 有遺蹟留苔磯鐘聲驚起白猿兒天花繽紛空際飛循廊更
 其仙鶴步後園有徑微乎微

春陰曲

管弦隔院無聲送冷煙低壓花枝重美人幾度懊儂情朝梳
 不整釵頭鳳洞房屈曲春淒迷軟風力薄沈沈游絲微寒殢人
 如中酒噴他侍婢薰香遲

秋陰曲

羅雲散作濃陰護木樨香透涼風度紈扇淒淒動別愁篋中
 自識情非故空庭半晌凝斜陽水邊蕭瑟羅衣裳美人不語
 心惻惻芙蓉猶得幾時芳

夏末偕金少伯侍讀徐鵠卿廣文茶庵姪小飲作

大暑尙未退閉門紅日中清談四客共薄酒一尊同喪亂何時已艱虞未有窮暨陽危又甚愁絕浙江東

晚步南湖次子萊韻

煙光并入水光凝暮靄蒼然護綠塍隔岸短垣先得月倚松高閣忽明鐙樹如佛髻擎孤影田學僧衣界幾層便欲拏舟消永夜竹枝吹徹有仙麀

秋興

滬上波濤動地橫秋高露下客心驚籬邊黃菊迎風綻檻外紅旗映日明戈甲已消安石嶺鄞縣地名烽煙又起庫公營故人天末遙相憶尺幅書來雁有情

龍蟠虎踞帝王都劇賊翻思啟霸圖聞說攻城盡貔豹何時

下中車耳系金... 三
破險縛狼羆雲連北固千山黛浪打西風兩岸蘆周室中興
賴方召霜辰可得奏功無

憶昨津門擁萬艘一時將帥乏龍韜

先皇遠涉關山路臣子難辭牧圉勞几舄元公勤獨任垂簾
文母政親操昇平有象遐方悅爭看秋來意氣豪

隴山突兀勢峻嶒渭水東流爽氣激回紇忽傳秋牧馬將軍
定合猛揚鷹飛而食肉思班相慎以行兵歎趙能賴有

廟謨工鎮定玉關天險總堪憑

海畔黿鼉吼夕陰盲風怪雨故相侵閩疆已駭澎湖漲粵嶺
頻傳翠羽沈白浪萬家聞鬼哭紅兵百艦覆江深蒼茫天意
眞難會楓樹林邊且醉吟

姑蘇臺上冷煙螺花草于今怨綺羅美女皆爲羅刹偶笑兒

眞是石腸多飛來黑劫燐無燄落盡紅蓮浪不波遙識太湖
三萬頃水聲哀慟接嘉禾

樓閣家園委地皆不堪回首聖湖涯寒山高冢無完木夜月
殘隄有斷釵三竺鐘魚歸闌寂六橋雲水總煙霾臨風多少
思鄉淚拍案狂呼鬱此懷

去歲迎秋登越嶂今年落葉在吳天未除妖鳥羅平種且結
春申采邑綠開士繙經消浩劫將軍挽日出虞淵凱還滅盡
潢池盜衰柳枝邊望眼懸

高

楨

字貞甫號飲江樹穎子
仁和人著悟硯齋詩草

丁立誠曰先生學有淵源書法宗孫過庭書譜習申韓
家言往來大江南北爲諸侯上客晚年癖硯入隨得宋
元硯十八明硯十八闕室儲之榜曰三十六硯齋更搨
硯銘徵詩成帙其最珍重者疊山橋亭卜硯也每歲除
夜梅花蕉葉羅列几案衣冠
祭之辛酉之難與硯同殉

有作

小隱西塘一水遙故人近在里仁橋

謂郁彝齋

卜居漁父都能誦

蘭佩荷衣且寂寥

鶯花三月鬪鮮新世路艱虞不當春照眼碧桃芳滿樹相逢
莫是避秦人

題陸小石退省圖

進忌銳退忌速以退爲進屈而伸以進爲退籓不觸成敗利
鈍常往復盈虛消息分榮辱鹽車嘗困九折阪善馭日不干
里足風颿會破萬頃浪碾波亦有瓜皮綠推循旋轉螳行磨
紆迴曲折蛇赴壑門承通德世清淑抑然自下何碌碌語小
莫破石可人此理善喻機藏伏譬如一簣進吾往修爲退密
恆抱璞迴乎高遠懷成谷

題小石靈峯探梅圖

溽蒸未已酷熱來故人天遠音書乖清風到門枉道侶手持
一卷新圖開謂是前遊紀述作題襟句好攄君懷為憶春正
釀花日山靈有約主客偕是時雪鬢諸峯出導我樹影如衙
排顧我老醜花應笑欲放未放衝寒梅最難摹擬清景失留
題肯讓諸公才及今盛暑始會意竟體涼生無纖埃眼前景
失要可惜慎毋放過虛徘徊即有贍詞落後乘恐蹈凝滯供
詼諧

管庭芬

字培蘭號芷湘海甯諸生著淳溪老屋自娛集

杭郡詩三輯管氏為海昌右族注籍學宮者凡十有四世芷湘誦述清芬少耽典籍尤留意鄉邦文獻著述甚夥日海昌經籍志略即海昌備志所刊藝文是也日非夸筆記則童年所錄日一瓶筆存分經史子集雜錄小品之書日履霜雜識則辛丑壬寅時所輯夷務海防及禁食鴉片文件日海隅遺珠錄四卷則輯其里人詩文

高真 管庭芬

之不成集者曰蘭絮話映四卷時陳雲伯大令葺西湖
 四女士墓有蘭因集之刻芷湘為輯此書有本專詩話
 等目曰花近樓叢書十四冊大半皆鄉邦未刊之品曰
 鄒陰志略則其從兄官鄒縣時芷湘往依之縣未有志
 為創此稿曰南唐雜劇曰越游小錄皆小品之精者曰
 天竺山志同治年曹葛民曾編以付梓曰待清書屋雜
 鈔二十四冊則避寇鄉曲就所閱之書隨意摘錄卷尾
 附記寇警時事足資考核露鈔星纂日以書卷為生活
 善六法尤善畫蘭性喜詠諧人爭暱就之光
 緒庚辰重游泮水即於是秋卒年八十有四

典衣買書歌

天涯有客芷湘子青山嬾隱隱村市貧居陋巷無所求願與
 史籍同生死既耕還讀甌屢虛仰天狂嘯心不舒天生我材
 必有用供我豈乏今古書叩門喜接西吳客一笑相逢皆祕
 冊繞牀真奈阿堵無欲捨仍留費籌畫縕袍挂體春衣閒呼
 僮且質錢刀還奇文換得自欣賞絕勝夢游婀娜閒芸香謹
 貯心亨室讐校樂可消永日丹黃塗乙且咿唔兩手晨昏少

停筆吁嗟乎富兒插架爲鬪奇開卷茫然何所知深房空鎖
少人迹蠹魚作糧蛛縈絲寒士寥寥虛卷軸箇中欲想得清
福苦心積得幾殘編也要後人能善讀

深廬學師招看牡丹賦呈

廣文官舍如山家晝靜但聞蜂喧衙海棠開過鹿韭花香凝
宿露光朝霞護風不用蘇幕遮支以荻簾竹丫又我來花正
一叢圻深紅色映絳帳紗看花授與種花訣栽培謂必先根
芽醞釀當令氣深厚扶持莫任枝敲斜開雖遲暮後眾卉品
自穩重殊凡葩還須得意無矜誇我聞師言爲咨嗟君不見
名園別墅繁春華往來游賞皆高車幾家富貴得長守易衰
往往由豪奢爭如此地塵無譁來看只許譚與芭清談久坐
有餘味一杯共啜穀雨茶

押虎寨宿車夫家

茅屋喜修潔人家近澗陰樹圍門巷小井汲轆轤深農女窺
生客村翁解土音殷勤具雞黍相勸酒頻斟

歲暮感懷

歲事闌珊又一年朔風中體欲裝駭硯池冷結冰花細書幌
斜穿霜月圓窮極不妨留傲骨愁多未肯釋青氈無才敢怨
蹉跎甚每笑靈均賦問天

故園老屋枕溪濱落葉敲門日幾巡三徑從無冠蓋客一家
幸作太平人欲將筆硯求功業願守齋鹽歷苦辛磨蝎入宮
休自悵可知窮巷亦回春

金鼎燮

原名鴻佳號小岱衍宗子
秀水增生官臨安訓導

府志鼎燮在臨安督團
力竭殉難祀昭忠祠

吳越王鐵券歌

黃腰獸縛一劔埽渡江安有千里草一券坐鎮十四州富貴
何如錢婆留銀掘畫地誰迎復王不勤王成鑄錯三千鐵弩
江流東不射汴水非英雄神龍不睡享國久玉羊銀鹿誇世
守海物空輸金十瓶納土但買元宵鏡陌上花飛春一夢得
之自唐失之宋東南半壁金甌新九哥真是王後身鍋能銷
金鐵不變還汝湖山此為券

崔德華

字霽雲號蓮新海鹽諸生著秋聲山館詩鈔

縣志德華居邑之徐塔村潛心理學不苟言笑私淑張履祥補輯其年譜宋錄未刻諸書極精確多姚陳兩家所未備好吟詩嗣子嘉鎬事親以孝聞

立夏日陸杞園招同劉雪崖倪潛齋張西涯俞竹巖劉

小魯集水閣分韻得綠字卽題杞園西湖游草

首夏風日長吟情感幽獨故人聖湖歸招坐溪邊屋良會七
賢集芳軌竹林續開軒豁塵慮憑闌遲遐矚晤言絕寒暄雜
坐無拘束櫻筍野味腴醺醪春泉沃示我紀游詩泠泠夏寒
玉煙雨自空濛花柳亦芬馥淡妝濃抹閒恍惚羅心目讀罷
漏初殘月度林塘綠

宋通問副使少章朱公祠

在西湖九里松

持節歸來日星霜十七年無門隨玉輦有淚灑冰天絕饋依
孤寺言旋其二賢

謂洪皓張邵

松原遺廟在北望恨難捐

許諫議祠

紫雲山峻晝沈沈諫議祠堂挈伴尋古木風生鴉影亂荒碑
雨久蘚痕侵青驄欲奪宵人氣白簡難回嗣主心張桂功成
身遠引鶴田杞岫獨行吟

徽山重建周孝廉祠 有序

硤石周氏爲甯邑望族明季四方盜起孝廉宗彝同
弟啟琦率里人禦寇及兩都覆沒各城瓦解硤川片
土猶爲殘明死守里豪某陰輸虛實乃陷孝廉兄弟
力戰死之一家四十八人同殉青蘿池中 德華 族祖
長鈇時寓硤川與孝廉友善事敗亟至周所火義民
冊闔鎮得免誅夷西山舊有祠祀孝廉兄弟族祖亦
肖像惠力寺講堂歲久祠廢今里人重建之扶植綱
常俎豆如故高此義舉爰紀以詩

紫微山曉氣籠從重整荒祠倚碧空一道平陂經戰伐百年
遺事想英雄弟兄共矢忠貞節鄉社先資保障功慷慨闔門
同赴義青蘿日夕起悲風

白首心知患難侵相看劫後淚霑襟千金曾結遺民志一炬
能安比戶心吉夢熊羆傳自昔清門氏族到於今有夢老父攜三幼過
堰橋云崔元重無子攜此以報焚冊拯命之恩後果生三子元重族祖字也見橫山紀略及硤川續志
向兒童道珍重松楸培養深

過曝書亭

亂紅殘絮滿煙汀爲企名賢履暫停太息曝書人不見夕陽
猶自戀空亭

盛朝勳

字壽朋號眉庵烏程諸生著難肋偶存

孫燮傳略朝動刻苦自勵性耿介雖困極不求於人恥爲文士務求有用之學早卒

題求古精舍金石圖

金石之學始班史專書作自歐陽子鐘鼎銷沈賴撫刻薛氏
繁徵挺特識三代法物藉追求蝌蚪殘缺資冥搜東甬窰磬

名詭譎鉤稽款識分商周翠點斑斑硃豔豔上作鑿鑿下蚩
尤荒豕盡發萬古祕神號鬼嘯聲颼颼陳生少年抱奇癖黃
金棄擲不復惜寶劔飛出霹靂聲青銅照盡興亡迹父癸父
甲漢司馬精靈所託神奕奕繪圖壓倒聶氏妄博古考古莫
能抗就中周天尤分明證以禮經語最當嗟予愛古心躊躅
把卷欲讀先嘯嘯光怪觸手鬼欲奪神奇莫睹徒長吁噫嘻
宇宙之大何不有寶物留貽乃獨久鶴鹿其形熊虎耳造化
出自古人手制器尙象精意存槃盂雖微那能苟不然拙陋
誰復珍早與劫灰共腐朽所好偶聚爲流傳追思過眼同雲
煙慨焉撫圖長太息堂空颯颯寒風逼

題小何山書堂

遺構渺難尋青山送古今高賢成獨往之子亦遐心流水三

閒屋清風一曲琴杳然絕塵俗門掩落花深

徐

炯字煥若鄞諸生著竹嶼詩存

泊舟鳳山寺下和全紹衣韻

孤棹依山曲修篁夾岸青水鄉秋入畫僧榻夜持經嵐氣吞殘月波光點落星一彈紫芝曲清響答泠泠

董景沛

字汝霖號雨香慈谿貢生著春暉堂詩稿

夏日偕應四避暑金山庵贈巨林上人

溽暑不可耐側身將焉投信步得蘭若風景恍已秋疏桐蔭碧瓦飛泉激石湫褰裳覓河朔消夏此孰優上人識我意下榻招句留棲遲累旬日科跣長自由門無襪襪客案有素瓷甌鎮日淡相對神與清曠謀印心到水月忘形同蜉蝣要知離垢地錢辛榘宮詹所題軒額林鳥皆悠悠造物不輕畀留以貽清修

吾徒暫假憩長亭人知不

褚元晉

字錫之號裴封元益從弟山陰廩生著小

孫德祖曰先生家世儒素兄弟並通經以授徒為業白
首同居稱義門辛酉之變在圍城不得出遇賊不屈被
刃二子綸曾繼曾時已成諸生爭前受死皆被重傷賊
亦義而舍之先生為學尤講躬行跬步不苟先以父疾
請禱不應蔬食終其身先大夫嘗聘
先生授不自經讀遺著如親几杖也

王貞女詩

并序

貞女名粟馨字月裁會稽王牧鄰學博長女幼字同

邑金法曾未行而金卒女過門守志善事其姑年二

十五病歿伯兄蓮伯孝廉為徵詩焉

昔賦陳氏媛篇什邡天南

山陰陳義三佐漳南道幕以第四
女字張氏子未婚夫歿即日吞金

環殉之觀察徐公宗幹作誌龍溪令袁繼歌杜氏姝摘句風
公廢業有啟徵詩晉奉寄七言兩律

雅兼 稼軒太守寶辰女字同城張夫亡斷吞環殉既壯斷指
指矢過門守志晉為集毛詩四十句

義亦嚴偉哉松筠姿巾幗逾奇男今復詠貞女鼎立峙為三
貞女瑯琊裔詩禮夙所諳嚴君司木鐸季父膺華簪諸兄更

競爽駿足爭趨趨古今忠孝事娓娓供清談彼姝此霑溉論

功染朱藍丰儀本瑤蕙品概乃石枏笄字卯金子平水金宅族譜出劉

氏 髭髦秀毳命方纏磨蠲志猶勤簡蟬良辰未雁奠遠

先鶴驂蹇脩有他議聞之憂如惓誓全圭璋潔不賦琴瑟

尊章在堂上子職新婦儻十載冰雪操茶苦成飴甘志遂在

穴同目瞑受飯含會看旌芳烈豐碑樹穹嶷我惟河南冑禊

帖曾討探幸覩義獻後青閨播穠醜濡豪述巔末禮義庸包

函銀瑄此嚆矢冀貽柱史聃迴視陳及杜頡頏相與參

辛酉九月城陷被賊刃綸繼兩兒爭死皆重創痛定占

此

誰爲東南障而令寇盜充一生心迹白三士血痕紅鐵豈肝腸折頭拌骨髓空生平教忠孝得汝慰初衷

賊斫身仍在巢傾天正寒寄餐學郝鑿僵臥似袁安恤緯生何補憂時淚不乾中興如再見溝壑忘應難

鄭召棠

號伯詩嶼附貢官福建麻沙縣丞著劍虹吟稿

麻署感懷

十載萍蓬感此身一枝許借謝風塵誓將馬革酬知己從未猪肝累故人入世漫分青白眼平心還悟去來因客游何事關情甚草木鄉園又及春

風光大好屬三吳回首頻年滯宦途衣敝忍看慈母綫官閒容廁小臣竽愁懷終日惟須醉膽氣平生不改麤司馬貲耶原自愧還將墨守笑迂儒

陳

果

字若侯號菊人浦江嚴貢著沙城塾詩鈔八卷

家傳略菊人博文強學孜孜不倦著有沙城塾鈔十卷
蕉葉琴室筆記二卷易圖蒙求五卷詞一卷金華三摺
錄擬編

四卷

宗彝

宗彝好巢居少長必以序高枝擬高堂長者常安處少者居
下枝服勞任勤苦每食獻高枝長者為之主不奉長者命少
者不敢舉宗枝日繁衍聰聽胥繩武是乃良知能孝弟成常
矩世路久澆漓山中自太古

重過大孤寺

一徑入深竹林容不改觀鑪香出簾細鐘韻繞山寒霜葉墮
如雨凍泉冰欲乾清涼好世界可借一枝安

避寇難故人
招隱於此

去思行

賢侯來云何遲賢侯去民思之思之不可見尸之祝之宜有

祠一解侯姓黃氏隋將軍裔嘉慶庚辰名進士家瀕沈香湖宦

飲浦陽水嗚呼浦之傳舍閱人多矣曷獨於侯思乎爾侯泣

浦六祀浦民乃有豸七鄉九十三莊萬口同聲呼佛子二解乙

未丁酉再開賓筵做青雲路歌鹿鳴篇彩筆一枝墨一挺副

以朱提分俸錢三揖東階下三爵東榮前升堂樂作出門止

訟庭乃入文星躔觀者如堵歎嘖嘖竟其忘為宰令焉三解蒼

黃昏暮侯來捉賊輕輿滅從探巢入穴乘出賊不意賊不能

逸誅其尤者殺無赦餘賊聞之心戰栗四解眾讞無遁情口碑

難具陳民心日以親侯身日以貧左右賓僚憫侯拙風以常

賦可取贏我侯毅然不可奪甯代民累毋累民五解宦囊匱只

宦途躓只捉襟決履公私累只奪我賢侯去願乞侯留留不

住六猶記臨去未去時桑田夙駕沙城祠老幼扶攜走相送

嗚咽聽歌驪駒詩時在庚子六月朔父老至今猶淚垂七噫

吁嘻浦土瘠浦民魯侯之來兮為浦父侯之去兮誰與主六

侯可七同一字祝侯長生歌且舞嗚呼侯惠一時報千古八解

雪意

朔風吹雁渡荒村斗室圍鑪酒力温微霰欲來雲似墨一天

寒色近黃昏

張百揆

字吟劬蕭山人道光庚子一甲三名進士官廣東肇羅道

緝雅堂詩話先生以權任肇羅道奏辦學政為僱見之事吾粵至今傳為美談試日防察甚嚴所拔多名士余忝補弟子員時年十六發落之日復以丹鳳吟詩為贈自非才辱荷獎勵廿年以來濫竊文柄無所成就今來西興哲人早逝不及再奉杖履少申弟子之禮追懷師訓何日可忘

丹鳳吟贈潘生汝桐

高岡有丹鳳文采世所欽縹縹眾人羣噦噦流好音奮翼賴

先導老鳳棲高林生尊人貫川先生績學高隱授徒至眾粵中佳士多出其門但飲天上

露不食人閒芩雛者乃蔚起得路始自今側聞

廟堂上鵷鷺紛華簪搜才到郊藪雅韻侔笙琴飛騫定有時

我願呈南金雲霄慎自愛試歌丹鳳吟

吳敬義字孟陽號薇客錢塘人道光庚子會元官詹事府贊善著紫薇仙館詩鈔

沈祖懋傳略薇客工詞章又擅長制舉文道光五年乙酉選拔貢生是科省試闈中已定解元刻其文於闈墨

以式多士乃三場因母疾未赴得而復失越十年乙未始中第三名舉人庚子南宮首選入詞館尋試高等擢

贊善首揆某公愛其才欲羅致門下拒不往一典陝甘鄉試一充順天鄉試同考官官保英翰其所得士也

葛嶺懷古并序

飲淥餐霞詎無仙骨燒丹煉藥宜絕塵緣何來句漏

之蹤欲作湖山之主蝶何時而遽化鳧此地以曾停

白石無飢青山不老宜乎齒絕飛昇之迹情移隱逸
之流矣不謂洞杳春駒堂開秋蟀丹沙井畔疑平地
亦有神仙木棉菴中歎朝廷竟無宰相拓賜園而遊
宴勒摩厓以紀恩平章於此半閒家國實非全盛嗟
乎月明葛嶺醉夢難醒兵老樊城鼓聲已死昔日閒
堂寶閣甘蕉迷夜雨之魂今茲敗礎積垣火麻播春
風之種憑弔所及感慨係之以視一品衣輕九仙骨
冷不信羅浮尸解瑤草同耕宛如瀛嶼人孤梅花獨
抱白雲無際雖碧馭之難攀丹竈依然尙元霜之可
乞靜喧斯判仙凡迴殊其可同日語哉

芙蓉岩峯橫翠環玉泉瀉竇丹砂斑倒騎鳳子入瑤闕蝶魂
遺蛻逝不還葛翁去兮山無主七哥又作魏公府瑤房錦榭

秋戰塵江山半壁一抔土當時論功推再造竊叨崇秩膺師
保月滿樓臺花滿枝花天月地平章好新得蛾眉正少年此
身願向菟裘老不知魯港事如沙一任襄陽羽檄譁白雁飛
來鵑淚溼玉津一樣少棲鴉神仙傀儡翻窠曰可憐人戀繁
華數格天閣圯已莫存勝景園荒復何有苔花滿地聽寒螿
戰征誤試秋蟲手不若湖天舒嘯長庚申自守丹鑪旁喚醒
木棉菴裏夢飛昇白日未荒唐

嚴陵舟中望隔山積雪

北風獵獵吹征裘輕帆昨向嚴陵收秋衾一夜冷如鐵曉起
雪壓青山頭一山未斷一山接山山各有寒雲浮雲痕雪色
互明滅空青冷白相獻酬若爲巖巒作裝飾造物好事窮雕
鏤所憐石骨太清瘦莓苔瑟縮蝓如蚪澗松矯矯獨奇倔孤

撐不受驕寒揉惜無梅花佐籬落嫣然含笑吹香幽我非名利亦行役乘興頗似山陰游此鄉山水更奇絕有酒不飲如江流

范

梁字楣孫錢塘人道光庚子進士官至廣西布政使

許性清介由縣令擢屏藩多惠政初率威有暑月服滿死者圖人以捶死告先生檢其尸探以銀釵舐之鹹獄具威丁糧歲數萬錢輸而銀齋銀日貴傾私囊以益之終其任未嘗加民一錢逋負盈萬不悔也守保陽某令引疾虧官帑不得歸先生曰是廉吏也走告其鄉人之同官者罔應乃陰括己資代償之未嘗告人制府劉公帳下卒橫甚掠民物夜半詣軍門白其狀公左袒卒先生爭益力遂誅卒而反物於民乞假歸蕭條若寒素主講紫陽書院未幾卒

塗次懷同門諸友即呈周勿堂師

飽挂

征帆去故鄉客懷從此入蒼涼語言強與俗人解

同舟皆山

京賈人

文字更無知己商萬里江山開隻眼一天雲樹縮離腸

問梅好透春消息健羨春風坐一堂

宿埃莊

旱魃為災赤地荒可憐剜肉竟充腸

時人相食

人心未必無生理

天意如何虐此方愚賤尚知虔禱祝宰官猶自學趨蹌

沂屬諸縣

至郡賀年

果然邀得豐年瑞雪阻征車也不妨

題曹大令

咸熙

采鞠思親圖

覽君思親圖增我思親淚我年二十二歲在庚寅次孟秋之
月朔我母竟見棄不待鞠花開已痛靈護萎念昔母氏勞晨
起夜少寐勤儉出至性自奉常疏食延師教兒讀供養無不
備僕媪兩三人體恤無不至祖姑尚在堂甘旨必親侍戚族
播賢聲眾口稱無二心血日以耗病體竟不治祿養已無及
遑問娛親志哀哉甲寅歲又失大椿庇忽忽四十年蓼莪痛

下
大
車
車
身
金
三
一
三
一
又
上
又
相繼抱此終天恨何有容身地一字當一哭知君亦無異

遊虎邱口占

侵曉入虎阜舟泊東厓汀先謁五人墓迤邐登高亭試酌憨
泉水一杯答山靈更探試劒石劒痕留餘青掘衣陟阜頂兩
塔東西撐此遊出意外始願非所經怱怱返舟次舟人猶惺
惺祇期挂帆去又爲客伴停夕陽落遠樹明月流疏櫺長天
碧如水水天一色并不覺發吟興伏枕夢不成漸入家鄉去
一聲寒鐘醒

途中有感

一母將兩雛沿途相乞食可憐人俱飢那有餘羹擲陡然一
車來攀轅不肯釋問汝欲何爲未言已先泣願將兒女去彼
此延殘脈果需錢幾何脫手不論值豈無骨肉情而忍遽離

別與其一處死何如兩處活兒去幸得生母存終待日我聞
此語竟不覺心肝裂恨是行路人且無救民術數錢慰之去
勉彊把車策吁嗟乎驅車復驅車爾作宰官將何如

姚近韓

字若退號良庵錢塘人道光庚子進士官河南鹽法道

紅橋秋泛

廿四橋頭日暮雲平山秋老荻紛紛看來一樣天邊月不信

揚州有二分

十載重來感舊遊遊蹤不分又蘇州山光還照湖光綠一聽

簫聲可白頭

戚

貞

字子固號小蓉錢塘人道光庚子進士官甘肅平慶涇道

渡河

黃河從天來不息直下奔趨注原北茫茫故道不可尋日見

南行勢相偪 河流既窄身更高 艇船不復沈 沙淘河不納水
 水上沸決潰 四出如驚濤 迴瀾欲挽河 公怒賴有堰隄資 捍
 護蟄泥亂疊險 可擋蟻孔全無隄 乃固年年防 汎春復秋金
 錢百萬擲中流 釋工苦盼青霜降 官吏安閒民不愁 吁嗟乎
 賈生下策今還有 當軸猶能舒抱負 一帆我快溯洪波 浩浩
 黃塵霑馬首

卜葆鈔

字尹甫 號達庵 平湖人 道光庚子進士 官四川大邑知縣 著序詩堂詩集

願廣譽撰墓表 君性孝友 教弟成立 兄弟同爨 纖毫無所私 遇戚友重氣 誼弟子著錄者 眾教之盡心 初署彭山 縣勤於其職 事悉親裁 入獄局多所平反 補大邑北界 西藏號難治 君至則講行保甲 復推誠與鄰 封互相搜捕 盜風用戢 聽訟反覆 詳慎無冤 獄亦無留 贖以疾卒於官 邑父老祀君北郭 靜惠山之平雲亭亭 故祀范公 鎮陸公游 因以君祔焉

題盧楫橋

奕春

乍浦紀事詩

九點螺峰屋後青
狂吟時欲問山靈
一編爲備輜軒採燭跋
更闌手未停

鄰鷗軒外荒煙月
深省堂前長蕨薇
風雅於今未銷歇
酒杯吟筆慕前徽

荒城遺壘自春秋
往蹟飄零未易搜
料得玉川吟苦候
揀茶手自淪龍湫

題卷勺園

迴闌曲沼閒參差
十笏園林位置宜
峰好恰當紅樹缺
徑深偏易碧苔滋
一簾鳥語參詩稿
半壁花陰落酒卮
笑我松關來往熟
山中猿鶴定相知

招邀裙屐訂新盟
風雅爭誇劉長卿
只有高人能市隱
未妨小築傍孤城
輞川花木王維宅
盤谷煙霞李愿情
應與蜃園

其千古從無俗客款柴荆

洪起濤

原名起濤字文波號航鄉鄞人道光庚子進士官山東臨淄知縣

縣志起濤為政平易近民不苟用刑罰至涉倫紀之事必嚴懲之在官三年無水旱灾邑中龍池有園林之勝暇則與賓僚飲酒賦詩為樂

為馬銘軒舅氏題嶺梅七度圖

買得溪山學隱淪羅浮回首幾芳辰夜深夢熟梅關路記否

花前截鐙人

吳世涵

字淵若遂昌人道光庚子進士官雲南會澤知縣著又其次齋詩集平昌詩萃

府志世涵天資穎異博極羣書中道光戊子舉人庚子成進士出宰博陵丁母憂服闋改滇南知會澤縣勤政愛民以奔父喪

在舟中暑卒

程文淦序略淵若詩文質相宣具矯然拔俗之概昔牧齋贈阮亭詩曰瓦缶正雷鳴君其信所操非以獨角麟儷彼萬牛毛余亦願淵若之信其所操也

一方延瑚曰君詩於身之所歷心之所得俯仰上下曲而能達足使讀者感動激發而有補於人心風俗是誠有古作者風不獨其辭之工已也

磐溪洞門觀道旁紀兵碑

平昌彈丸地于浙亦門戶西南通八閩閒道入鎮武洞門在磐溪厥境尤險阻溪澗萬丈深羣山截如堵仄徑纔通人煙雲日吞吐我游值春初荒亭坐延佇亭畔見殘碑剝落形模古上紀總戎兵巡哨到茲土字存僅十餘千百蝕風雨詢之村老翁顛末莫能舉吾聞山箐中逋逃易嘯聚曠徒與詭民出沒多儔侶往者崇禎末閩寇起榛莽桓桓陳忠裕子龍逾嶺援桴鼓大坪及王村二村名高下列營伍一舉遂盪平將吏儼貔虎西明班師日西明山名善後計覩縷王村置府佐守備資勁旅此碑定當時建豎出幕府惜哉經銷磨偉蹟莫由覩地險

不可忽姦宄猝難禦徘徊片石旁此外更誰語

拳技

平昌在梧州自昔號易治邇來數十年一變風遂異鄉曲半
游手拳擊以爲事三五動成羣橫行百無忌南山云有虎誰
人敢入陽北嶺云有熊何客敢登籠在山虎易防在嶺熊易
避奈何洵洵者相遇在平地一熊欲噬猓百熊磨其牙一虎
將食人百虎鼓其脣向前虎耽耽向後熊舐舐吁嗟邑人士
曷由容其身我願周孝侯長驅駕雲轆彎弓左右射廓然除
此患巨雄一以獲羣小胥斂蹤進以睢麟化庶幾還敦龐

畚客

畚音奢

畚民盤瓠遺種順治閒由交趾遷處州

吾鄉佃作黎強半屬畚客遺種傳盤瓠派衍五姓僻

雷藍鍾盤婁

巖棲互茅舍火耕劬繡陌辛勤事土著屈身儕輩獲樂部及
輿丁往往供驅役婦女帕蒙頭高冠綴小石鬻薪入市塵隆
冬雙腳赤人生重本務耕作有餘積嗟此五姓人操業實勞
劇男女並力田尙被飢寒迫徒使并兼家倉箱日充斥往者
大吏奏俾獲通仕籍其奈頑蠢姿俊秀渺難擇乃知大造恩
厚薄固懸隔等茲林總氓獨令傷跼躄寄言齊民者曷由躋
衽席

畚婦

畚婦高戴狗頭髻銀牌密串石珠細短短麻衣窄窄裙花鞋
一尺紅絨綴家住南山更北山百年遺俗仍苗蠻負薪插秧
好身手風吹日曬如花顏去年嫁與鄰村去奩物柴刀並農
具有犁一把牛數頭新孃衣食都無慮五家男女自聯姻

雷

鍾盤婁五姓 鄉里何曾有外人休訝嬌鬟異妝束須知少婦
相為婚媾 卽耕民婦赤腳兮夫短褐隴上同耕亦同歇日日相隨到白
頭不信人間有離別

義僕溫貴詩 并序

貴山右人陳香谷孝廉之僕嘗代其主繫獄慘毒備
嘗無怨言又嘗於萬里之外尋父以歸人呼為溫孝
子道光某年月日從其主涉冰渡河冰陷歿於水陳
君哀焉作義僕傳徵詩

客談溫貴事使我涕淪漣代主三年獄尋爺萬里天斯人偏
作僕舉世孰能賢賴有蔚宗在能將李善傳
皎日誠誰鑒春冰恨最深死生知有命天地是何心大義愚
夫立微軀惡浪沈空言為善報掩卷發悲吟

李陽冰城隍廟碑歌

東入縉雲訪古碑李侯玉筋稱最奇活石千年瘦入骨精光
飛動蟠蛟螭城隍一碑尤古勁典型尙在蒼山祠當年剖符
莅花縣仙都山下文旌馳使君廉能案牘簡父老歡笑兒童
嬉山城炎夏苦旱魃禱神設誓奠金卮三日不雨當焚廟神
亦慄慄聽厥詞風雨一夜甘霖沛雩壇髣髴靈旗烹羊酌
醴報神德曩屢負碣來殿墀文辭簡古埒遷固字體疎瘦參
邕斯惜哉神物易變化梭騰劒躍空嗟咨嶧山遭火蘭亭瘞
此碑湮沒知何時所幸鉤摹亦真蹟敲鼓本是鸕鷀遺古釵
倚物萬夫力有鄰擇木何由追海舶攜此足禦颶定風聲價
高鼎彝我來廟中再拜讀摩挲光采猶陸離辭書與事足三
絕令人尤起賢侯思後來者誰好護惜勿令再沒荒山陲

重遊石門觀瀑

枯蒼一郡千萬山水流屈曲山之間陡遇峭壁卽成瀑一山
一瀑聲潺潺石門高峙青田界山上寒泉迸萬派海藏倒翻
銀河決散落天風作光怪炎天飛雹霽且虹練光劃破青芙
蓉綃墮千絲泣鮫客珠傾百斛愁龍公神湫瞬息有百變真
覺摹寫難爲工茲山開自永嘉守手擘蒼厓穿山溜遂令名
勝擅浙東至今題詠徧巖岫吁嗟枯郡山瀑多三巖筆架飛
巨波縉雲瀑布高千丈龍泉九深如懸河平昌更有大樓巖
隆冬冰柱高嵯峨且如青田百丈深亦復漱玉衝煙螺那似
茲山當孔道探奇時有名公過異境終須以人顯不然寂寞
空山阿朗吟對此長歎息芒鞋踏徧巖前坡

南明山石梁歌

君不見飛仙構屋雲氣蒼琢削天柱流玉漿巨靈驚駭五丁
走晴虹萬丈墮落龍宮旁南明一山互霄漢石梁峩峩插山
半乳泉飛灑碧苔裏歷劫雷霆劈不斷青天白日毒霧霏山
鬼猙獰梁上嬉乘風時作老蛟吼騰雲或化靈虬飛我聞廬
山三梁如三虹橫空界破香鑪峯又聞天台石梁數十丈仙
者可度人莫上此梁突兀幾千年鬼神守護藏雲煙廬山天
台相伯仲豈與凡材碌碌供雕鐫嗚呼不與凡材碌碌供雕
鐫乃令終古棄置荒山邊

追魂碑歌

并序

李北海所撰葉有道碑也相傳北海刺處州時夢中
爲葉法善書此因名追魂碑一名了了碑

北海李公唐鉅儒生平篆隸邁褚虞卻鬼未讀東方書可憐

隻字珍璠瑀黃堂岑寂三更餘遊仙恍惚飄輕裾莊周栩栩
蝶躩躩中途豈意遭夔魑道人追魂如追逋劍壇午夜飛靈
符先遣六丁後壘茶黑甜道上相招呼靈官匍匐推雲車藍
袍金甲負弩趨采旗鈴蓋擊鬼徒紫煙繚繞金香鑪青童導
入卯山廬是耶非耶天模胡忽然大笑掀虬鬚金几玉案臨
階除臯比座上瓊醴醴衍波百幅當中鋪筆花五色架珊瑚
黑瀋熊頭可濡不覺起立卷衣袂拈毫伸紙忘辛劬腕底
不作風霆驅精心結撰何徐徐倏聞雞唱神趙趙恩恩丁字
拋如珠赤烏墮窗魂驚蘇怪事咄咄猶疑無那識羽衣來須
與墨本攤出殊非誣能事乃被鬼挪揄道人何譎公何疎遂
令異蹟傳寰區豐碑突兀蒼山隅銀鉤鐵畫人爭摹翰林六
絕高聲譽後村之譏毋乃迂人間何物非子虛

堂下雙池家大人命賦

泉湧蒼山下池開畫檻中捲簾雙井出穿石一源通廉讓居

兼擅淄澠味不同百年遺額在鑿止仰清風堂有鑿泉額為先高祖明玠公

所題

玉醴流甘地銀膏種壽年寒冬浮暖氣旱夏涸新泉月印雙輪澈花分四照鮮從來蓬島上駕鯉有天仙

卯山

真人樓閣鬱崔嵬縹緲靈壇絕壁開一室煙霞雞犬去三更
燈火鬼神來簫聲空渡天邊月劍迹難尋石上苔羽客不還
丹竈冷秋風林下獨徘徊

送端木鶴田丈國瑞之京

十年茗上一詩仙懶向長安更著鞭豈意

鈞天飛

紫詔不令閒地擁青氈羲皇有道儒官重博士多材

聖澤偏從此元亭頻載酒問奇容我到齋前

廷

揆字希賢杭州駐防

城西古蹟考希賢好蒔花草性尤嗜菊有百餘種涼颺
滿階燦爛若錦觀者留題滿壁同時若蔡木龕沈鑑滄
陳瑟堂輩皆有詩以紀勝

訪西園菊

萬紫千紅後東籬菊又黃閒情娛老圃正色壓羣芳此性如
人淡伊誰送酒忙愛花成痼癖冒雨訪重陽

蔣

坦字藹卿錢塘諸生著息影齋初存稿集外詩愁鬱集

陳繼聰傳略蔣氏先世業鹽筴有園亭歌伶之樂藹卿
生稟異資弱冠善文章工書法從黃韻珊大令學益進
配耦秋芙嫺倚聲解彈琴尤喜內典借憶家園聯吟禮
佛出則文壇吟社客滿樽盈別篋枕湖吟節於水磨頭

有夕陽紅半樓諸勝春秋佳日游讌極歡未幾秋英死
藹卿爲製秋銚瑣瑣億皆幽闈遺事文極雋雅視圖辭
影梅庵憶語更過之杭州辛酉戒嚴走慈谿
依其友王廣文景曾比返寇又至以餓殉焉

五月初二日爲厲樊榭徵君生日同人集榆蔭樓公祀

分得合字

朝出城南門徑仄亂雲蹋澗松臥橋圯巖花雜闔闔其上有

鮑樓榆柳互匝帀昔聞厲氏居艾姬貯媵始俛仰距百歲脂

塵散茸闌奚子拾古徒振手起衰颯謂奚疑蘭房重規營沈像

爲瞻揚懸弧鄰月午蘋繁薦盤榼分符召朋儔賓筵集簪盍

觥籌互祝觴殺核事嘍嚙嗟我行役者如蓬轉濟潔際此良

讌辰朋酒幸結納甚惜煙江船催人正沓馭別酒醺玉醅離

言刻臺蠟行見錢塘雲遠阻道場塲棖觸多今懷況與古歡

雜玉夢生簾塵頽廊歇珠跋視古不異今憂來每心悒況我

愁病形如朽易摧拉萍迹靡有定既離豈復合別矣同懷人
樹雲隔合還明日鱗翔書請爲老夫答

楊烈女行 并序

烈女名慧姑居西湖長橋父販魚爲生年十八許同
里陸氏未結褵陸以病卒女聞之欲以死殉父母勸
慰之意稍解既乘母出以練巾縊松樹下聞者傷焉
予作長歌弔之

盤盤小培塿下有松柏林兩兩小兒女中有金石心于公岳
公不同世湖山奇秀鍾未深穹碑字蝕秀姑墓尸香裂石空
苔岑閒氣盤鬱久必發男兒跼踖力豈任宏農慧孃蹶然起
模範名教入規箴藏媚清流潤珠璣守璞白眼輕球琳赤繩
一繫斑駘郎黃道屢卜青鸞音驅使青蘋出沼沚檢點黃竹

疊組絳天風急鍛飛鵬
翮淚雨亂入寡鵠吟
黑月平林老鴉叫黃
沙落日山鬼瘖豎目
一怒復大笑點首此
天匪難謀奇木盤錯
壽千古老幹拏攬高
百尋彭殤生死儘兒
戲形骸放浪徒浮沈
死取大義乃苦節豈
徒區區從稟砧精氣
薄天皎如日寒血入
地蒸成霖芳名登錄
褒以史餘風砭俗度
于鍼君不見鳳凰山
下蟲唧唧鴛鴦冢上
蒿森森帝王夫婦亦
已矣宇宙大名誰到
今何況薄俗託好色
國風謂樂無傷淫吁
嗟乎若耶水污西施
紗臨邛酒亂文君琴
浮豔誣世世弗恤城
隅佻達多子衿詎知
綱常落女手一纓品
重雙南金竭來重訪
南屏路明月皎皎星
橫參

魏文

謙升

招同錢

壘

李

秉仁

西齋梅花下彈琴飲酒賦

此奉酬

縞袂仙人九玉節錦鞵踏花凍冰裂雌皇放嬌雄鳳狂偷入
黃埃啄香雪科頭李老三尺琴梅花亂舞風中音九疑峯高
楚江遠鈿車玖珮心惜惜夫人湘中寒口脂凝秋蘭相約洛
水如練裙翻風單時彈水老龍孤守珊瑚宮碧波日暮生微
歎我昔跨鶴夢尋羅浮仙瓊珞五色鬢雲天紅羅花紅綠萼
綠天風吹入鴛鴦筵左掣天孫肘右執匏瓜手飲我雲英漿
酌我麻姑酒七絃彈冷沅陽秋紅裳泣露芙蓉愁主人醉客
復如是恍疑重入神仙樓寒香疎影隱修竹不羨揚州萬貫
鶴摩麟割鸞饒復饒莫更樽前奏花落

謁曹娥廟有感錢塘邊孝子詩

井序

孝子名不傳居錢塘江上雍正丙申歲淫雨十日潮
壞民屋數百戶邊父戀屋不去溺於江邊投水救父

始獲出父生而邊死矣父求屍不得禱于神七日屍
浮江面從伯炯有詩弔之云孝子呼天死不避騰踔
洪濤若平地可憐親生孝子死滾滾江流盡成淚予
讀而傷之因作詩以備後之采風者

昔聞曹孝女救父姚江濤江濤峩峩高于屋黑風激日天爲
號後聞邊孝子住近胥江塘入水七日面不改獨力能令蛟
龍降江塘十日雨不住狂飈卷天怒拔樹孝子救父死不懼
躍入千波萬波去饑鬣張牙牙似鋸嗟哉孝子死何處曹孝
女邊孝子爾婦孺耳大義明一者父死一者生兩人坦坦江
中行孝女俎豆千秋馨墓門檜柏盤冬青孝子寂寞名無聞
一棺冷臥棠梨春白楊打頭大于抱春秋麥飯悲無人呼嗟
平陵谷變遷渤海枯古今誰謂完人無百年物族各有死安

得綱常盡若此君不見握登之山石齒齒羅剎之潮雪參參
姚江胥江二條水前有孝女後孝子

陳烈婦行 井序

烈婦姓王氏字彩鳳兩淮離使陳筠谷 錫勳 蓬室也

性敏慧不苟言笑筠谷需次邦溝獨王偕往中饋之

餘兼佐筆墨庚子春筠谷北行病卒于道時王已南

歸計至意殊坦然人以為愬迨喪歸忽閉門絕粒而

逝筠谷為家 恭亮 外舅知之甚悉因作長歌哀之

沂水碧波詩書香孔門相攸公治長家家呼吸飲餘淥千年

秀毓瑯琊王瑯琊有女好顏色檢點綱常理四德聞道才人

滿棗林渤海公孫出相國紅絲十丈牽青鸞雛鳳入巢雄鳳

歡調罷羹湯論鹽鐵紅橋三月春風寒郎去長安驅錦傳妾

走鹽官歸繡院殷勤大婦下堂迎李豔桃嬌甯避面花信風
輕夜月圓邢孃才調尹孃憐坐商兒女婚姻事行寄夫妻骨
月箋瓜洲渡口天風猛冰衙纔接歸帆影無端天上玉樓成
不管人閒金屋冷旅館淒涼鐵笛哀一棺迢遞劫初灰鯉魚
春水江頭去鵬鳥秋風海上來黑雲冷逼鐙花落如雪麻衣
秋影薄擲筆拋荒舊日蛾閉門望斷歸家鶴鶴在天邊鶴在
樓不如尋鶴到揚州墳前種樹無連理地下栽花好並頭苦
節奇忠同一局西山薇蕨休充腹文山容易疊山難恰笑神
仙空辟穀玉碎珠沈香染泥瀧岡同穴是雙棲金閨尙有貞
松柏高蔭霜天烏夜嘯

送王

景會

歸慈谿

身世嗟何託文章劇可憎亂愁生曉色殘夢落秋鐙老去艱

離別餘生望友朋荆南正烽火後會總無憑

秋色來無際空山萬木號此行當歲暮爲子罷登高江海多
魚素風霜老燕毛單寒憐范叔何以慰綈袍

天章寺尋二十四堆南宋宮人叢葬處

苔花土花吐青紫碑蝕香魂失名氏羅綺春隨蝴蝶飛衾裯
夜抱鴛鴦死故鬼秋風哭趙家冬青開落六陵花回頭小劫
悲龍漢何處瓊樓問鵲牙憶昔承恩初入侍絳紗御筆親封
臂柳葉新裁鵬綠衫桂膏祕印猩紅字楠木樓高畫燭紅奉
華堂上鬪春風細腰未見傾吳苑團扇何人怨漢宮昨夜隨
花開玉宴君王煖坐需雲殿日繞龍鱗識御袍風吹雀尾開
宮扇儘有花明雪豔姿靈芸風貌絳仙眉甘心老死宮鴉隊
不鑄金錢買畫師南苑西宮春夢綠茱萸結帳芭蕉褥白玉

空鑄記事碑綠腰奏冷乾安曲分隸中宮更兩宮錦衾孤守
百花龍六更慣聽蝦蟆急雙臂重看蜚蜴濃袍花鬢影丹墀
側香案前頭輪侍直金鼎朝添石葉香玉牀夜捧江花筆柏
子池開百五春芙蓉閣啟十三層桃花御賜同心扇柿蒂新
頰半臂綾花壓闌干春滿樹石榴裙約金蓮步內官唱煞水
龍吟詞臣獻上神雞賦奉御深宮春復秋龍池曲水御溝流
三千殿腳娉婷女十八歌喉宛轉愁桂閣蘭堂舊陪從風朝
月夕常供奉三月鶯花內院看十年雲雨巫山夢夢裏羊車
響夜雷君恩新賜紫金杯漏聲抵死催人起銀燭雙行冷作
灰披衣起對菱花泣五更鐙火三更月被底關山欲度難宮
中況懼提鈴罰亦有明眸皓齒人玉釵金盒受恩身無端入
室娥眉嫉鬢綠脂紅滿劫塵蕙質蘭心易銷歇紅霞帔冷誰

南唐書卷三十一
卷三十一
憐惜撲帳楊花夾井桃對人一樣春心熱翠腕闌銷紅玉肌
何年簫鼓葬胭脂鴻泥油冷劉孃印鴛瓦霜飄繡女詞翠袖
珠冠復何有愁眉蹙斷湖濤柳墓門一閉永千秋年年來奠
中官酒黃土纍纍築邱壟一生未擅椒房寵地下從今冷玉
鉤人閒空有埋香冢吁嗟乎故宮禾黍抵滄桑千古江山幾
夕陽南渡君臣共衰朽更無人弔柳林莊

山陰道中

黃葉林邊艇紅闌水上亭草心帶秋綠山氣壓樓青風日蝶
團影水花魚吐腥鳴榔隔蘋浦夜夜醉中聽

秋老豆花根秋煙墮夕昏鴨頭溪水活鴉背夕陽翻落葉殘
鐘寺歸雲獨樹村西山遠相對煙翠溼詩魂

宋文信國公從祀文廟

長江飛白燕半壁北蒼鷺國有儲材報天爲養士河澤流洙
泗永秀毓豫章多名冠臨安局元終寶祐科廷臣工賣國朝
議貴求和邊警千回集勤王一劍磨義旗河北亂輕騎贛南
蹉一詔牽羊出三宮匹馬馱君恩餘碧血家難過金陀柴市
從容赴園扉慷慨歌神棲丹鳳闕氣溢白狼河孔孟書紳在
朱程接踵過道高輝北斗聲遠弔南倭安南貢使過吉水有
弔文丞相詩見蓬窗
錄久鼓升堂瑟堅操衛道戈鄉評

朝有請

王道正無頗

帝命彰忠孝

宸衷勵切磋馨香新俎豆憂樂舊巖阿泥馬卑前烈金牛感
逝波鳳皇銷氣王蟋蟀奈秋何

兩浙輶軒續錄

卷三七

蔣坦

辛

聖澤昭雲漢菁菁頌棫莪

集慶寺觀宋理宗燕遊圖

蟾蜍滴乾天水碧畫囊碎剝蟠龍飾黑面衣冠太保尊玉顏
粉黛仙妃色仙妃家世舊承恩生女傾城奉至尊卅六曾隨
鴉隊女十三初入鳳儀門小年書畫師宮教銘椒頌橋誰同
調蜀國夫人花蕊才隋宮學士腔峒號嘉熙辛丑太平年天
子哀歌落葉蟬南內愁聽鴛瓦雨西宮重結燕釵綠靈簫鬢
縮靈飛綬珠珮明璫小垂手芝詔新頒皇貴妃椒闈祇事中
宮后第一貂璫盧允升蘭亭蓉閣起千層雙行蝴蝶金幫舞
五色魴魚珠子鐙霞帔星冠陪法駕六宮春抗黃金價翠硯
同摹頽字書赤繩初賜散錢夜紅梅閣接綠楊臺踏臂聯歌
赤鳳來聞說桐華新進墨九重親試畫眉才當時朱紫傾朝

野外有丁當內閣馬一自彤廷罷早朝相權日授琉璃賈利
甯門外翠華馳重乞官家雨露私特敕慈悲尊象教精修功
德護蛾眉瑞雲山下開金黛虹廊霧閣千秋寶百萬端平元
寶錢祇園買盡沖癡菜御賜招提號顯慈金波別鑿第三池
法堂十棒統統鼓敲熱桃花好面皮蘭鬟髮鬢梅妝麗便娟
日從烏桓騎封臂常新風月書內批且押僉鈐字八月秋風
齒背天燕遊重集彩雲仙三千鸚鵡長腰舞七十鴛鴦小腳
船外戚良臣其簪紱董監翠帽芳華襪雉尾中央太子冠魚
鬚左右平章笏改元淳祐慶昇平臥酒吞花夜夜情彈到穿
雲琴一曲青山嘯煞鳳皇聲花鬢雲鬢飛飄忽妙相莊嚴規
滿月畫院何人善寫眞丹青染出蕭齋筆圖爲畫院郭
蕭齋所繪千秋
萬歲正茫茫永願笙歌侍上皇何處鴉馱秋日影又飛鵬鳥

下昭陽昭陽殿裏風蕭索君王苦爲樓東哭衡芷難求劉徹
香霓裳永斷明皇曲草沒長門有夢思長江遙渡伯顏師一
篇零落宮中誅尙有詞臣姚勉知半壁偏安百年夢回頭謝
后黃紕重北渡宮嬪十七人彫零莫向西陵慟九泉相見痛
流離孰爲江山問是非虎爪何人埋石枕貓睛已見爛琴徽
自古興亾如轉轂傷心再讀南柯錄佛劫蒼涼七百年僧寮
留得沈檀軸月桂堂荒長綠蕪冬青開落愴嗚烏紅銅鐘磬
成消滅黑臉觀音尙有無淋漓脂粉餘殘瀋飢鼠饑蟬蝕華
衫善雅難尋螭印文裝潢半落龜蓮錦地下釵鈿畫裏身樓
臺永作別家春團樂賸有西湖月曾照當年禮佛人

蜀鏡詞

鏡徑五寸鼻紐內作海馬蒲桃外正書銘曰鍊形神

冶瑩質良工如珠出匣似月停空當眉寫翠對驗傳
紅綺窗繡幌俱涵影中凡三十二字今歸魏丈謙升
處

縱梳花落簫聲止兔兒夜走金牀死流落紅樓月一箇曾照
金蓮舊冠子其時乾德紀春正詔選宮嬪二十人脂的傳紅
眉刻翠宮中初學醉妝新王家少婦嬌羅綺郎君官拜天雄
使曾向宮鴉隊裏行長眉從此承恩始黃羅寶袂繡芙蓉天
語森嚴降九重七出玲瓏比宜主初傳恩寵到崆峒君王置
酒延昌殿冰荷鐙裏開陪宴阜角金鑪袖染香卵花翠釜廚
當面此時朝政侍郎收承旨明朝更出游盡製雲霞新襖帽
錦帆一夜向秦州梓潼山下風蕭索禹鄉抗諫嘉王哭一曲
甘州聽未終崇韜兵馬屯綿竹回首蠶宮有宿燕宣華池上

白蓮枯灌神金甲成消滅圖讖銅牌究有無此鏡蒼涼秋一
片臉紅眉綠曾窺徧爲問何人寵最深蟾蜍應向深宮見聞
道昭儀新入侍當時例有冰奩賜同此銘辭鑄鏡陰只從書
體分同異淚滴千年土花溼又同金盃人閒出可惜天家絕
妙詞無人爲補煙花集綺窗繡幌並成塵三趙邨前已夕曛
何似臨安傳石鏡錦衣猶見故將軍

癸丑二月始聞馮

培元

去年武昌殉節之赴感賦此詩

裴邃非無子王陵尙有親蓋棺無定論屬纊究何人後死應
遺憾多才且誤身升沈吾有感不覺爲霑巾

許延穀

字子雙延敬弟仁和廩貢官
廣東虎門同知著此青軒稿

皋亭觀桃花

修禊吟朋集全教俗慮刪置身在仙境一笑指春山蜂蝶情

多鬪鷗鳧意自閒斜陽挂林角無語送人還

和鄒篠侯

暫得餘閒此寄棲相逢知己一尊攜
野花迎客春將暮芳草迷人日已西
烽火連天時有警湖山生感莫留題
沈壯志空磨盾怕聽枝頭好鳥嘯

陸

璈字雲九仁

丁丙曰雲九先生少孤貧母賢而能文授以小學後從魏春松芸閣兩先生游治經淹貫注疏略能背誦史熟兩漢三國旁涉王遁多奇中中年後放于酒發為歌詩沈鬱頓挫醉後輒喜誦其舊作如濃煎竹葉湯清肺快拔芙蓉劍斫牀檓餓空山宜我輩束經高閣爾何人等句其悲咤為何如也

感興

卅年辜負黑頭公排悶心情酒一中
爛額焦頭尊上客鳴鸞佩玉讓羣公
騎鯨落落酣江月射虎蕭蕭戰朔風
拌使青蠅

爲弔客虞翻枉說著書工

自甘成佛居人後獨詫逢辰不我先作奏新豐空惆儻迷人
下蔡太嬋娟枚乘七發貧難療馮衍三同妒可憐荷鍤自尋
埋骨地要離豕畔草芊芊

海上樓臺蜃氣施家居撞壤是纖兒憤生阮籍途窮哭妖在
盧仝月蝕詩照井華陰空見領談兵江表自生髀胸中五嶽
時時起但坐蒲團禮本師

睢陽戰

范陽戰鼓聲如雷平原戰罷睢陽來張許二公奮然起提兵
殺賊吾能已雷姚果英雄南八眞男子著矢不顧身拔刀血
流指是時中丞氣尙豪旌旗指處風雲高身經大小百餘戰
請師請糴徒紛勞尹子期兵方退史思明來何驟賀蘭擁眾

數萬人奈何忌功不肯救遂使江淮失守誰之咎所差僅十日張鎬兵來遲睢陽已破焉能支此舉差快人意耳召閻邱曉杖殺之余讀李翰張巡傳想見當時真勇戰開元天寶安在哉惟有二公廟貌存江畔

褚淵碑

褚淵碑埋荒草撰者誰王仲寶彥回當日本名士何不官至中書止或者相隨廢帝亡不然亦同袁粲死奈何屬意蕭道成不恤舅氏人難平跖徒譽跖侈功烈穢筆穢墨紛譏評君不見平淮西文猶實錄百尺長繩土中覆

銅面具

銅面具起自狄武襄誰其嗣者韓蘄王武襄當日守崑崙後有蘄王戰江浦謂汝頭角崢嶸氣象英武乃命陶冶辟汝置

幕府爾與鐵連枷曾見摧強虜爾與背嶺軍曾助金山鼓遂
使智高膽落金人沮論功宜鑄少伯金不然或勒文淵柱斬
王老去武襄亡零落前朝舊戰場不及葛巾名一字猶陪居
士話清涼

臣琨表

臣琨表臣琨頓首前致詞臣聞人心不可失天命有攸歸陛
下以社稷爲重大寶何足辭西京旣殘破莫若據江左長江
天塹足有爲一隅偏安無不可臣當號召吳越進取幽燕臣
礮繞其後臣嶠攻其前中原可復恥可雪唯陛下其圖焉嗚
呼此表不忍讀讀之長太息奈何温太眞詆爲殺母賊遂使
英雄氣盡嗟無力夫乃歎人謀之不臧蓋天之所以限南北

哀哉行

空山獨行仰天慟日月變色風雲凍一抔黃土最無情多少
賢愚此閒送黃鶴笑蜉蝣所爭惟千秋大椿傲朝菌修短終
歸盡年年歲歲成新故銖銖寸寸分朝暮試看今宵瓦上霜
便是明朝草頭露

吳

炳 字仲蘭仁
和諸生

丁丙傳畧仲蘭家貧力學魏柳洲先生子小洲鉞也一
女依外氏劉翁以居年三十矣錢蕙應相攸歸於仲蘭
魏春松莊芝階汪小米胡凝齋秋白均助奩資復以柳
洲舊藏嚴鐵橋奚鐵生合繪柳亭草堂圖册鐵橋贈隸
書余秋室贈墨迹麗以柳洲遺集備文房之數胡書農
學士有詩紀事可謂清門美眷故交高誼一段嘉話矣
孫樹義曰仲蘭善書畫見重於時詩文溫厚如其行
誼姪廷獻亦以文名辛酉之難一家同殉後遂無人

陰雨雨月有妨麥田詩以誌慨

朝雨聲琅琅急點如撒菽暮雨聲琅琅空階聽鳴竹朝朝復
暮暮淫霖苦相續豆苗爛萎黃菜甲蛙肥綠麥秋亦已無農

夫把鋤哭暮春三月天陰寒若秋肅豈其金行沴厥占在克
木念茲心慘傷搔首晴屢卜卽今東南隅島夷未就縛荷戈
近萬人羣仰太倉粟願祈尙有年庶幾兵食足洗兵豈不佳
帀月已淋漓胡爲積陰霾檐溜瀉懸瀑長官恤民瘼虔誠禱
靈竺癡雲爲暫開旋又蔽林麓饑饉亦孔哀豈惟菜不熟皇
天心本仁蒼生恐無福連年幸豐收窮黎飫餽粥春正八日
晴今歲亦宜穀願放日月光春陽協時燠上以裕軍儲下以
慰蔭屋

岳廟觀夏忠愍石刻樂府

莫須有事意難料西市朝衣幾人弔千古沈冤夏貴溪配食
宜鄰鄂王廟河套議復誠奇功何異痛飲收黃龍風波一旦
起疑獄東窗乃在東樓東滿江紅灑一腔血詞中宮聲筆如

鐵前人則喁後則于一樣孤忠待昭雪賴有穆廟同壽皇易
名賜謚爲表章精忠柏下賸殘碣九十餘字森光茫五雲深
處護柯井分宜題楣字遒緊至今遺臭玷玉堂悔不書名易
忠愍嗚呼君心猜忌非臣心永陵尤比思陵深謹身華蓋結
銜大墓田片石如湯陰我來讀碑三歎息擬鑄姦嵩跪碑側
手撰青詞欲黜天祠外蒼茫湖影黑

于廟觀王文成墨刻楹帖

銀河倒挽勲名奇江山萬里勤扶持孤臣忠盡不可滅春秋
報祀旌功祠旌功祠高接雲嶺面吸湖光浸山影題楹舊帖
傳姚江秀骨森然法圓整地隔百里事卅年淞東西水鍾兩
賢各將赤手定社稷宸濠之禍同也先忠肅功高易遭忤陽
明亦被江彬侮新建之賞格不行幸矣全身避金虎敬瞻遺

墨如日星雙鉤勒比悝鐘銘一身事盡廿六字知少保者惟
文成風霜淹漬色未變對此如親兩公面留得清名字宙存
益信英雄有同見我聞洪都告警連贛州閉門草檄兵旋收
軍書手治七日夜墨花恣灑秋髯柔又聞丹墀拜疏劾權貴
諫草淋漓漬清淚龍場謫去講帳開一脈斯文永無墜此才
此筆誠寡雙要與前哲名表彰正氣先覺禮崇祀俎豆一樣
縣三堂祠宇西連錢武肅楣額煌煌照祠屋相傳亦是公所
書至寶琳琅合雙殼

羅

椿

字石樵仁和人官雲南知縣著杞菊山房詩稿

杭郡詩三輯石樵性至孝少好讀書不慕榮利隨任闕中父喪奉母回里後以縣令試滇南母歿遂隱居不住好施與千金不吝著有雜俎二卷年八十卒

夏日雨後偶占

白雨陡然霽西山漏夕陽天能容我懶雲竟比人忙庭竹夏
清響池荷遞暗香小禽莫飛去留此伴新涼

朱榮恩

字少廉秀水諸生

白嶽庵詩話少廉為廉泉孝廉子工詩善書庚申之亂
避地郡南國界橋貧益甚時賊踞禾城有分盜糧以振
飢民者或勸其就給少廉曰盜人之粟以食我與我盜
人之粟以自食也何異遂同妻子閉戶絕粒死忠義錄
傳有

題余恕堂丈

聖本

梅谿漁隱圖

約共寒梅老澗阿一從招隱肯蹉跎溪山消受清閒福無限

雲煙過眼多

丈儲藏金石書畫甚富

移家擬傍釣船居

釣船坊為曝書亭諸景之一

媿我年來約又虛絕羨一

竿煙雨裏荻花楓葉小長蘆

吳廷燮

字彥宣海鹽廩生著小梅花館詩集六卷

縣志廷變工詩馳騁騷壇
頗負盛名詞尤膾炙人口

黃變清序畧彥宣貧而才癖于詩而性不諧俗又嗜酒
家徒四壁飢驅奔走嘗溯潯陽泛湘漢登黃鶴樓醜酒
芳草洲弔禰正平之墓騎懷熱淚與夫無
聊抑鬱之概一洩之于詩故其詩益工

題楚江歸櫂圖

天地大江流西風動旅愁客心思故國歸夢繞扁舟雨霽滕
王閣雲藏庾亮樓漁歌何處起斜日滿南州

澄江歸舟

半江斜日送歸橈楚尾吳頭入望遙今夜鄉心愁絕處蘆花
楓葉暮蕭蕭

夜泊潯陽

大江極空闊一舸泊孤亭今夜潯陽月鷗絃不可聽晚霞明
斷綺漁火落寒星鄉國知何處征鴻急杳冥

眺元武湖

渺渺波連太液流百年陵谷迴生愁
故宮版籍悲黃冊小苑亭臺起白漚
鐘鼓荒涼斜日晚芰荷蕭瑟野煙秋
可憐王氣終天慙不遺長江限石頭

觀吳醒園所藏明盧忠肅公手書墨蹟

書與其外舅王帶溪先生敘

陽事蓋在崇禎七年撫鄖陽時也

風高雁急天兩霜青鏡明滅月轉廊
主人停杯重弔古名臣手蹟矜收藏
拂拭瓊函開錦襲墨痕裏血凝青蒼
云是尙書留尺素千秋忠憤餘茫茫
楚襄盜賊雜風雨漢水龍山烽火舉
持重沈機妙運籌分軍移鎮神防禦
烏林關外北風號逐賊歸來血洗袍
虎帳投戈夜草檄旌旗不動蒼天高
蕭條墟落行人斷抽戍屯田不念戰
箐口黃龍殺氣消赤眉青犢皆

奔竄誓將一劔埽流氛喻蜀書成酬廟算一朝宮闕起黃塵
有詔勤王去楚鄖主和自出中樞意廷議徒勞殿上臣尙書
撫時增慷慨上書陳畧詘平津只今中原已鼎沸那堪失策
由因循窮邊血戰孤臣職臥甲揮戈誓深入回首家鄉萬里
愁寄書勿復收吾骨公又有家書寄其公子有家訓訣絕難
爲老母心憂勞灑盡西風血椎牛誓眾出桑乾犄角無人乞
援難絕塞烽煙騰萬馬孤軍轉鬪斷千山鼓聲悲咽刀摧刃
壯氣憑陵髮指冠露布草成頻絕餉量沙力盡爲傳餐尙書
戰敗追兵急日暮空斡刀鏃集帳下徒聞請潰圍瞋目持矛
呼死國戰馬長嘶失主歸橫屍擄距無人識烏鳶啄肉夜風
腥血汚英魂歸不得詔下軍前詰死生三軍慟哭動邊城魂
招隔歲巫誰遣雨洗殘瘡恨未平丹心一片知難朽生氣猶

堪驚敵走殉國年悲岳鄂王尚書卒年三十九渡河恨飲宗留守轉

眼穀城鐵騎屯玉符下殿泣王孫黃巾已肆嗟何及恨殺當

年主撫人郎陽一郡能卻賊如何全楚機偏失形勝山河似

舊時簡書帷幄誰籌策忌才誤國還自戕若輩庸臣安足惜

木落滹沱夕照殘黃沙白草紫荆關百年遺墨垂青史劫換

滄桑尺幅完君從何處得公蹟眞草百行鋒瘦立想見揮豪

停馬時公作書多於馬上以竹筒盛墨忠孝輪囷鬼神泣君不見史公一書

日月光至今辭義森寒芒祕閣圖書零落盡淒涼誰與問興

亡

史閣部水晶石印歌

江山半壁留殘燼羣盜投戈皆賜印烈日嚴霜一片心不教

青史污名姓憶公獨立小朝廷稜稜圭角風裁正外藩跋扈

內權奸直以冰心方寸鎮一朝鐵騎下江東美人歌舞猶深
宮軍前草檄磨盾鼻龍泉慘淡光不紅此時抗疏印鈴尾寒
芒耿耿搖長虹嗚呼我公授命邗溝上千秋浩氣風雲壯此
印無慚玉帶生孤忠尙識文丞相蠹粉香銷側理牋鍾山石
馬臥寒煙鷹臺遺墜悲元寢元瞭鷹臺鷹墜皆前朝舊壘爲之玉盃污塵泣
漢年當時印落何人手無乃天公令鬼守萬樹梅花戰骨香
模糊碧血封螭紐君不見降表倉黃出石頭壘書迎伏猶恐
後天塹長江問阿誰腰閒金印懸如斗

劉烈女詩 井序

烈女乍浦人廩生劉心葭東藩女夷匪陷乍浦懼辱
投井死

幽蘭生空谷託根何高潔疾風摧柔莢蘭死香不滅劉氏有

處女生小閨中藏十三學書兼學禮十四織素裁流黃眼中
未覩堂前客何況兵火入室嗥豺狼女子不踰闕詎云走路
旁父兮母兮相持泣仰天血淚霑羅裳熒熒古井清且澈碎
玉爲波澄見骨兒生恐貽父母羞兒心甘向父母訣寒泉三
尺鑑形影一樹芙蓉葬冰雪吁嗟乎井水不枯心不死倉卒
全名乃女子魂歸夜半佩環寒芳草年年化蘭芷

送燕

玉孃湖畔草萋萋王謝亭臺路已迷惟有雕梁舊時月隨君
直度海雲西

蔣

槐

字竹音平湖諸生
箸瘦藤廬遺稿

朱玉林曰竹音登覽詠古之作俱清削曠刻
歌行尤爲奇奧餘則蕭閒冲淡詩如其人

東張叔未先生

瓊奇過眼等雲煙金石三生有夙緣觸手金題與玉躩大觀

法帖幸流傳

聞君新得大觀樓宋帖全本詩以詢之

冬野晚步

興來忘遠近獨自繞隄行凍草寒無色殘冰斷有聲
天空孤鳥沒山迴夕陽明無復中懷擾悠然太古情

望夫詞

昨日江花開今日江花落花開花落總傷春春深卻怨郎情
薄郎情薄妾心悲爲問郎舟歸不歸望歸舟情無已淚雙垂
墮江水

辛酉重九

又值登高節驚魂未返家滿途餘白骨無處問黃花
蹋屐青山遠攜筇落日斜西風吹漸老揮淚在天涯

聞蛩

孤客悲無定哀蛩到處鳴又從今夜聽不是去年聲伴汝黃昏老催予白髮生蕭條不成寐敲枕到三更

楊知新

字元鼎號拙園歸安廩貢著夙好齋詩鈔十卷

府志知新學通經史詩有唐韻與施國祁及族兄鳳苞講習故學有端緒性伉爽喜汲引後進表揚先哲曹大斌姜宸熙遺稿將佚為校梓以傳世友胡世吳早卒梓其遺詩復教其孤其篤友誼類此孫變傳畧拙園九齡賦月華詩有警句資稟於是絕人讀書過目不忘治經不墨守先儒成說而折衷於是厭辨難一時名雋樂與締交

寄姚千之潞邨

南浦春深故人去風光駘蕩欲銷魂桃花柳絮隨孤棹流水青山入遠邨舊日蕭齋欣促坐別餘新詠闕評論西峯夕照重回首愁對離亭酒一尊

夏日雜憶

溪南詩老今辛愿鎮日吟君幼婦詞最憶遺山持贈語相從

何止十年遲施非熊寄示近詩施名國所號北硯

彭苑風裁是我師曾邀月旦定妍媸詞壇三昧誰參得絕妙

聽嬰數卷詩潘致雲翥號屬齋居軋邨之彭家苑撰聽嬰軒詩集

蘭時風流老更佳分明秋月作襟懷未能澹盡人閒事又寫

新詩過小齋講潘文樹江名源芳蘭時其別字也

蜀道崎嶇自古同淒涼書劒半衰翁可憐詩得江山助都付

雲煙幻化中陳蘭谷師諱芳入川後詩篇益富後歿於蜀遺稿悉佚

故人凋喪我何堪誰向遺編子細探幸有武功椽筆在江湖

小集認歐庵歐庵詩鈔胡以權世巽撰余儘姚干之加果為手書淨本刊行

秋島風流付筮堂清詞往日播芬芳一從遺稿悲零落誰說

陵陽與括蒼

姜宸熙笠堂秋島先生子工詩文澇編嘗指去歲余得闕中舊刻陵陽山人詩鈔重刊之

費子清才實起予高吟端不厭林居思君楊蔣清溪上白日

南窗自著書

軋郵費聲寰鈞著雲坡詩鈔其書齋近楊蔣渡

勿漫悲歌讀楚辭鑿楹書在屬佳兒魯論課畢應何事毛鄭

薪傳且學詩

胡生澍蒼亡友以權子也從余遊時方九歲

鄧烈婦詞

烈婦姓姚氏洛陽人汜水鄧明府堂為作傳嵩縣劉明府禮崧以啟徵詩

波瀾誓不起妾心古井水昔讀烈女操東野嘗云爾洛陽有

女淑且貞永矢靡它良有以婦人之義從一終鴛鴦會見雙

棲止夫也不家更字人奪我志者有死耳既歸守志兼事親

好待破鏡重圓矣天命不佑喪厥姑八年為婦今為子哀毀

餘生自經死以死殉姑乃若此作歌還將遺行傳用愧世俗

偷生士

胡有槎

字秋何 鎮海人 著紫石山人詩詞稿

踏雪

不辨雪中路危峯雲影低犬驚茅舍北鴉亂板橋西訪舊門
猶掩尋梅徑已迷橫舟問前渡澗水靜流澌

朱

字近春 號杏樓蘭從弟餘姚諸生

遠眺

晴江一幅畫圖開獨倚樓頭看幾回兩岸風多潮未落春船
無數挂帆來

鄭會南

字五峯 黃巖諸生 著隱雲樓詩草

曉泊大溪湖

曉霧尙濛濛雞聲徹遠空櫓搖一夜月人怯五更風篷背霜
飛白山巔日吐紅村煙猶未起誰指路西東

俞承德

一名鳳翰字少軒海甯人道光庚子解

許淮祥曰少軒大令筮仕湘南多政績咸豐初葉君宰
平江時寇餓方熾屢犯境以斗大孤城抗悍賊數千賊
卒不能逞旋引去蓋是時湘中團練平江稱最君又素
得民心故登陴用命勇氣什倍城賴以保工詩古文又
善山水在京師曾與諸名流
結畫社松筠韻事至今未沫

早行澠谿道中

出門初日影殘夢落前山樹色疊千嶂谿聲老百蠻瘦後寒
擁石飢虎暗當關欲問征苗事遺民髮已斑

葬遺棺 美杜節婦也

杜節婦一何賢賢若何聽我宣昔年杜氏吏刀筆勢能偷天
換白日生前賓客憤填門死後子孫無立壁無立壁多遺棺
故鬼泣行人歎節婦久徙母家住歸來一見摧心肝心肝摧
後淚枯睫出錢葬盡棺重疊苦從寸指積蠅頭卒使遺骸封

馬鬣嗟嗟此婦不易得刀筆之吏宜自測

完糧行

去年田水一丈強今年田水還平塘北風蕭蕭吹稻芒縣官
騎馬催開倉開倉多在十月底後及城市先四鄉誠知市人
猾不若鄉人愚鄉人粒米等珠玉倉胥踐踏如泥塗較升量
斗不足惜最怕南糧與折色折色一升錢二百南糧三石作
一石醫瘡剜肉真可憐鄉人何處呼蒼天夜深空抱牛衣泣
胥吏揚揚歸度年

迎秋詞

碧桐瘦損珠魄冷幽蛩訴月唳雙井浙浙疏颺透軟羅簾鉤
涼挂銀灣影憶昔繁蟬帶暑來炎炎紅鏡東方開迨暑正苦
忽快意驟雨瀉竹山翻雷轉眼殘螢三四點石闌暑淨秋生

簞何人先約拜雙星涼簃一聲露半臉

張上尊

字謙士錢塘人道光庚子舉人
官嚴州教授著胥石山房詩鈔

揚振鏞曰謙士廣文司論長興十餘年提倡風雅
士論翕然宗之俸滿遷嚴州教授未及之官而卒

讀南唐書弔李後主

月照摩訶水影涼君王夜靜譜宮商有人采石磯頭立正把
長江寸寸量

洗面終朝淚眼多那堪亭子問紅羅慶奴老去流珠嫁腸斷
人閒薛九歌

譜畫填詞身後名樊樓重許覓來生如何兩世為天子同駕
降車向北行

王有鈞

字守貽號祖香錢塘人道光庚子
舉人官桐廬教諭著吟孫詩稿

鍾駿聲曰祖香言動必準禮法遇家忌修祀惟謹里黨
化之鄉舉後一應禮闈聞父計星夜歸舟抵塘棲風逆

百法集耳金 卷三十一 21 6X1

徒跣行四十里遂患咯血掌教桐廬書院有師
法所著詩稿歿後其友應敏齋廉訪為之梓行
緝雅堂詩話祖香廣文奔蹠行閱之起敬吾粵海魚
山先生在京間親器徒蹠數千里翁覃谿歎為未見與
祖香同此孝思也世重其詩與字而至行轉隱矣嘗憶
先輩溫氏汝能選粵東詩海一百卷後無繼作異時采
風使者儻能于百越士夫言行廣為接錄勒成一
編可傳者正不獨魚山也并綴于此以企方來

榴花

曾栽王母庭亦種安石國何年移此花聞是張騫得園林夏
雨後眾綠淨如拭忽然豔如火照眼花光偃譬如碧海中珊
瑚一枝直丹砂駐客顏紅裙妒妝飾可惜錦囊香必借薰風
力若向三春開桃李無顏色

舟中即景

小艇穿煙過野塘蟬聲兩岸送新涼秋林雨洗綠如滴一樹
野花紅夕陽

網得鱸魚不賣錢，蓑衣曬向夕陽天。
漁翁繫纜去沽酒，一雙

鷺鷥飛上船。

周星蓮

原名日昨字午亭仁和人道光庚子舉人教習知縣著耕堂詩鈔

楊振錡曰午亭丈以書名海內嘗著臨池管見一卷發明立法取勢用筆行神之意極得妙理兼工蘭竹梅花尺幅寸縑人爭寶貴避亂江北抑鬱以終子邦治字佐臣邑諸生侍君疾刲股進藥勿效亦哀毀卒

毘陵道中

暮靄上晴蕪，征程又日晡。
風沈譙鼓急，月落戍鐙孤。
歸計蕪鱸拙，浮生僕馬痛。
宵行復何所，催夢到菰蒲。

送別

去去關山策馬遲，鷓鴣聲裏雨絲絲。
劇憐病體輕如葉，分付秋風好護持。

馬晉藩

原名丙奎字謙香仁和人道光庚子舉人著東城唱和詩

楊振鏞曰：譙音先生有孝行，事後母如所生。家居授徒，從游甚眾，設青藍簿，自兩浙、皖、豫及都下受業，凡千百人。

歲暮書懷呈吳艮石丈

朝來愁緒觸紛紜，去日怱怱感此身。縱有仁心難濟世，本無媚骨敢求人。時艱道路流亡眾，歲晚江湖寇盜頻。惆悵一天風雪裏，梅花又報隔年春。

沈亨惠

字慕琴，嘉興人。道光庚子舉人。官廣東南雄直隸知州。

府志：亨惠，字廣東，攝三水縣事。西匪東竄，省垣被圍，三水適當其衝。亨惠聯絡紳團守禦，甚力。手編三山守城紀畧，又佐廣州知府吳昌壽督剿北江大灣藍山等處賊巢，悉著勞績，擢補南雄知州。游升知府。

題姚吉祥竹雨吟鈔

黃絹才華茂，青蓮壯思飛。羨君一枝筆，揮手落珠璣。眼底無餘子，歌聲入翠微。程門同立雪，玉樹愧相依。

陸敦倫

字思對號一帆平湖人道
光庚子舉人著身游艸

縣志敦倫性落拓不事生產精於弈暇輒手談竟日
塵生几席泊如也晚歲主講當湖書院啟迪有法

夜泊蘭溪

沙鳥風帆外巍然屹石城萬家燈火夜一片管弦聲蘭渚渺
何處芳馨空復情臨江酌樽酒隔岸越山橫

永福寺觀貝多樹

寒巖吹天風古香澹微妙行行入招提徑仄山逾峭仰見祇
樹林槎枒撐夕照葉脫不聞聲白雲霏繚繞色相兩俱空生
機託孤嶠坐此偶繙經颯然時一笑

登爛柯山

仙人久忘機見弈輒色喜於我有同情悠然興無已竭來爛
柯山俯仰足遐旨碁聲亂松濤方罨蝕苔紫欲爲一局歡何

處招之子玉雨打頭繁樵響林端起

王允嘉

子舉人考取景山官學教習揀發知縣

縣志允嘉性抗直遇不平事輒憤懣

賜卹

如例子諸生死仲修聞父難隨鄉團勦賊同年治二年

孫德祖曰石帆所著有職思居古文今佚其生平不以

詩名此詩采自縣人胡長齡儉德齋隨筆蓋目擊其題

絕命詩

既無兒女情肯短英雄氣一死報君親撒手自茲去

郭鳳詔

字淡門一字景和諸暨人

鄞琮曰文藏書甚富開戶擊究丹鉛不離手五上公車

不遇益肆力於古生平以考據之學為最詩次之性捐

秋晚登粟鄂山

朔風何太勁旅雁已南飛木落秋山澹霜清野黍肥山林含
返照村落帶煙霏誰作孤城客月明聞擣衣

初春雪霽至長壽寺

澗下涓涓春水生寺前初放一峯晴山禽聞語忽飛去小閣

梅花磬一聲

洪瞻陛

字子升號雨菴又字納階臨海人道光庚子
順天舉人官四川龍安知府著存我堂詩集

勤補軒稿雨香哀絲豪竹在都城時
嘗與諸同人結消寒詩課稱豔一時

戒大令鶴泉師主講溪山第一書院四首

錄二

八十人爭侍伏生東方共識歲星精活人心訣岐黃祕射策
才華董賈名梨棗隨身千指瘁縹緗放眼萬行明綠香樓接
蓬瀛海風雅三台小錄成

文光近接赤城霞湖上春留桃李花

天台齊次風侍郎主講
敷文書院六年師曾主

講紫游戲一官存傲骨收羅千古自名家理窮開闢天應妒

老有圭稜氣倍華勝絕溪山槐作市耆英像擬碧籠紗

懷金誠齋明經

湖樓高為詒經開公早歲與筠軒杉堂伯叔同受知於阮芸臺相國詒經於西湖之第一樓玉筍

班中奪席來學守康成工強記貧留王鳳目迂才驥羣歸送

千金骨蠹口殘餘六籍灰公晚出汪瑟庵相國門優薦入都卒於其家以禮殯殮送歸葬檢寄

道稿并恤及妻子亦異遇也記侍夜談藜照閣肅冠漏任隔窗催公好舊

出入必肅嘗手一鏡遇杉堂先叔絮談考據不及他務徹夜忘歸家人每聞叩門聲輒竊語曰理學秀才又來矣

柯烈女詩冊

白虹萬丈光燭天瑤池冰雪寒無煙乾坤正氣滅不得妾身

則死名已傳名已傳死猶生烈女氏柯夫舜明至性耿耿由

天成華門生長異金屋垂髫作婦如螟蛉親操井臼守寒素

桃天正待春三賦鸞鏡忽驚夜月分鵲橋尙未銀河渡無波
古井本妾心化作恨海填彌深不學陶嬰賦鴻鵠比翼願化
寥天禽催人鬼伯那可競如賓擬向黃泉敬滿室方招屋上
魂一絲難續香闈命捐軀倉猝古亦難巾幗獨具精心丹香
飄素旄欲成結九衢颯颯陰雨寒鴛鴦冢上樹連理過者涕
淚揮溪水

皇朝鉅典重表揚行看綽楔旌閭里吁嗟乎摩笄山頭氣貫
日清風嶺上血濡筆煜煜彤管此其匹千載完人年十七

秋日游白雲山呂仙巖

秋風振枯落茲山恣游衍飛橋向空跨曲路自崖轉巖上雲
迷漫其下水清淺敗井飛丹霞殘碑剝青篆怪鳥出深林回
鸞憶香輦棲神覓芝朮跣足坐莓蘚塵蹤不敢污清興亦云

遺儻蓬綠髮仙幽棲可能踐

兜率寺用宋林景思原題韻

竹樹蔭四圍一徑接樵隄秋聲捲到門白日驚風雨隔岸暮
潮平歸帆落江渚漁筵幾聲哀遙苔塔鈴語
江城展畫圖百雉齊相向萬屋護炊煙一氣迷蒼莽丈室傍
巖開松濤挾風漲踏葉僧初歸前邨月輪上

盧

派字楓伯鎮海人
道光庚子副貢

同治四年李樹堂師守紹興夏五月大雨六晝夜城鄉
水深丈餘李師憂甚余因作此詩祈晴脫稿開霽亦
一奇也

同治四年歲乙丑夏五之月日在斗晴光灼爍天無雲耘苗
背熱牛開口鎖院簾垂晝正長倦臥藤牀攤飯後快哉北風

展天羃躑躅商羊變蒼狗跳珠濺雪大雨來四野農夫笑拍手一朝兩朝霖日廿五日六日霖苦久湖隄崩圻海塘傾鹹潮洶湧溪流陡二水相陵如沸騰螺蚌渦漩成堆阜可憐秧秀能幾時漫漫巨浸安能受破屋牀頭歎老農茅檐竈上嘸貧婦牆頽壁倒棟宇沈通衢曲巷撐船走登高四望白茫茫苻藻隨風冒槐柳良由下土惡貫盈刀兵甫過天災又我作長歌告上蒼

皇仁總被民生厚縱然天不愛斯民應愛憂民賢太守

王承弼

原名心簡字雲卿號莘農黃巖人

朱緒會蒼溪入家惜春詞序畧莘農諸君生天台赤城之隈口漱飛霞耳洗瀑布相與步石橋訪金庭盼七寶之樓臺懸五雲之甲帳千樹種桃萬年采藥足以助神思換凡骨何疑乎靈均之占何阻乎蹇修之理耶著有

黃巖山

水記

怪物行

穹窿一壽十萬年
蕊珠大嚼桃花眠
電光不復照九淵
毒霧盤礴參雲煙
孕育怪物殊方員
不辨頭目舞刑天
白日騎虎風腥羶
呼吸日月海倒懸
魑魅魍魎相後先
九首鬼車稅芝田
八萬毛竅箭鋒鋦
巧射流影漫魁躔
錢神膽落攀因緣
能生死人血食鮮
十丈大纛海國舉
木客升歌山魃弦
亂打妖鼓聲齸齸
詹尹抱著日貢妍
亦堯亦舜亦聖賢
非神非鬼非天仙
三台寶籙授秘傳
閻摩天子稱無權
須臾玉宸夢矍然
急呼雷部擲火鞭
揚灰滄海毋遲延
掃除醜類道平平
鈞天廣樂張帝筵

龍川書屋詩

古殿氣蕭森
琴書締賞音
樓高觀日出
海闊聽龍吟
風雨頻

離合滄桑遞古今神山原咫尺不待挂帆尋

劉向漫傳經高樓醉眼醒村煙低界白海嶼遠浮青露立江

光靜龍歸雨氣腥好風聞鵲喜春日滿疏櫺

許

燦字獻霞仁和廩生
著餐霞室吟稿

新橋晚泊

行役從今始無眠坐小舟月穿橋下洞鐙出水邊樓兩岸花
雁吠一聲蘆雁秋來朝挂帆去應動異鄉愁

錢

焯字承勳號愛齋
齋河甫諸生

許莊祥曰愛齋先生性謹約口不臧否人材續聘姚氏
昏期二日先生以暴疾卒城間而大勸衰經視舍錢氏
以禮迎歸獨居一室戚鄰罕見其面撫育前出子及妾
生子俱恩義備至而督課甚嚴諸孤皆成立能讀父書
保塘中咸豐九年舉人出宰西對
厯治大邑有政聲皆貞母之教也

消夏

火雲片片蔭層霄幸有濃陰覆綺寮為語兒曹須記取明年繞屋種芭蕉

鍾步崧

字穆園平湖諸生著夢琴山館詩稿

縣志步崧工詩詞駢體文善寫梅蘭為時所重

子夜冬歌

曉起寒珠簾折花雪盈把偷學壽陽妝小立寒梅下

吳越雜事詩

保障東南霸業垂民夫廿萬築城基春衣纔罷冬衣繼役卒
休歌沒了期

讒語交譏酒令寬碧波亭上笑言歡畫來依樣葫蘆易一蟹
能勝一蟹難

幕府清才數沈崧評量眾妓畫堂中卻曾親識姮娥面兩度

仙遊到月宮

王傳蘭

字海曙號禊亭鄞諸生著小朝川詩鈔

威遠城觀海

雄鎮蛟門地不偏
勢吞閩越控朝鮮
古城環作明州障
傑閣遙通絕島仙
雨霽樓臺含蜃氣
潮回檣檝捲蠻煙
來琛其幸波清宴
滾滾寒流浸碧天

紫陽山登眺

故徑鬱千盤
仙臺石作闌
閒花紅欲墮
古樹綠成團
露氣橫江重
潮聲動地寒
片帆城外過
秋水正漫漫

六和塔題壁

絕頂與雲齊
攀躋緣石梯
過江孤艇小
隔岸萬峯低
鈴亂鴿通語
簷高蝠不棲
胥山一回首
煙樹總萋迷

金沙港水閣對雨

驚飈捲地狂一雨瀉芳塘夾道柳陰溼滿池荷氣香軒窗都
納爽衣袂漸生涼座有山僧話禪機為滌觴

題秦藹堂歸漁圖

君何不學嚴子陵為恐安車載其後君何不學淮陰侯又恐
無金報漂母披裘歸去寄閒身短蓑斜笠消尊酒如今我亦
愛林巒我攜樵斧君持竿

宋

杰

字笠耕上虞諸生著
早湖山人詩鈔六卷

俞潘序畧笠耕為人不驚名以清節自持所為詩
舒寫性靈視采掇聲華剽竊句讀冰炭不相入也

築塘詞

去年築塘塘西北今年築塘西南角塘北西南年年築築塘
歌聲聲如哭火精炎炎日三伏苦恨暑天六月溲口渴江水

兩手掬日食兩餐一飯粥人家飽食晝鼓腹儂家野處夜露
宿近塘田畝加捐派一畝三百錢未足貧者力其役富者輸
以粟春漲高低塘水綠沒盡田閒豆麥菽無奈今秋水潦多
沒豆麥菽又沒穀年年築塘年年修塘築不如塘崩速塘上
何人司畚揭慎勿明年水沈陸

陳星橋殉難詩

并序

星橋名景祺邑進士居阜李湖西辛酉城陷以十月
廿三日罵賊死

官兵畏賊賊如虎官兵見賊兵如鼠賊未來兵先走上虞有
城兵不守縣官茫茫坐束手縣城一旦爲賊有先生豪氣填
胸臆先生義憤貫星斗振臂一呼起忠義七百湖民屯湖口
賊入湖紛如蟻賊眾我寡先生死死時身被四十創噴血罵

賊死不止先生舊是儒家子不信臨難勇如此君不見丈八蛇矛左右盤古有陳安稱壯士

練天慶

字子卿
龍泉人

崇明寺

五代古禪關殘碑字已漫殿荒松葉積階溼蘚花寒鼠迹橫
香案蛛絲罍井闌僧蹤無覓處斜日在遙山

吳乃伊

字莘夫平陽虞貢官西安
訓導著屏石山房吟稿

擬謝靈運游南亭

薄游雨初霽清景復潛移斜陽在深樹遙山明修眉極目延
野色俯眺臨芳池好風送爽氣新篁媚幽姿物類各有得造
化原無私蘊真多妙悟理愜心自夷斂彼馳逐意感茲閒遠
思矐懷素心人優游任天資

晚泊撫州城外

夾岸煙光蘸碧山
輕鷗點點傍沙眠
隔溪沽酒歸來晚
蘆荻灘頭月滿船

兩浙輶軒續錄卷三十七